


LUSIKA LWA

KELEKE YA FILADELFIA

 Muzwale nailo ni ngela situnula sesituna, sa nama ya mbilimbili. Na mi bulelela, ki kwa butokwa kuzibisanga lika. Mi ki hali, “Mawi. . .” Ku cwani ka seo, Muzwale Neville? Ki yani faale. Mwa bona? Ku bonahala inge kuli nama ya mbilimbili kona ya tabela hahulu. Ki yende luli. Kuswana fela inge ha Ni bulelanga za kuca nama ya mbilimbili, cwale, fokuñwi uka luma mwa munjeke. Cwale, Ha ni—Ha ni yumbi nama yaka, ni yumba munjeke fela kihona ni kuzwelapili kuca nama yaka.

² Kona mo Ni batela kuli muezeze cwalo ka mañusa aa. Ha mu fita. . . Mu zamaye hamoho ni na, ha mu luma mwa sika se mu sa koni ku—se mu sa koni ku Si utwisisa hande, kupalañi, kihande, fela. . . musike mwa yumba lika kaufela, mu yumbe fela ona kalulo ye inosi (munjeke wani), mi muzwelepili fela kuicela nama. Kiñi, ha mu se muitutile. Uh-hum.

³ Haiba mu. . . Mu lata banana, kuhu ye halikilwe? Mane babañata ba tabela. Kihande, he, ha mu ca kuhu, ha mu luma mwa lisapo, ha mu yumbi kuhu kaufela, mu yumba fela lisapo. Nji ha ku cwalo, Pat? Mu yumba fela lisapo, muzwelepili kuca kuhu.

⁴ Kihande, lu tabile kuli lu ca Sico se si sina lisapo kamba munjeke ku Sona. Ki sinkwa se si zwa kwa Lihalimu, se si bizwa “Manna,” si lambilwe fela munati nati wa Lihalimu.

⁵ Mwa ziba, Ni lumela kuli neli Davida yana bulezi nako yeñwi kuli, “Li utwahala sina linonsi mwa licwe.” Ni lumela muloki naize, “Ne li Linonsi mwa Licwe.” Oh, muzwale waka, kana mu kile mwa tatuba. . . kubona li. . . inge. . . munati o swana ni linonsi mwa licwe. “Linonsi mwa Licwe, muzwale waka.” Kona mo iinezi cwalo.

⁶ Cwale, mwa ziba, Ne—Ne ni komokile nako yeñwi kuli si talusa sikamañi seo, “linonsi mwa licwe.” Mi Na hupula kuli, “Kihande, mwendi ki kuli neba fumani ngoma ya limuka mwa licwe nako yeñwi.” Kono ha ni to batisisa, Na fumana tozo nyana ya teni. Na. . . Isiñi ka nako yene Ni sweli ku batisisa zateni, kono kasumulaho nyana Na to lemuha kuli ufi ni ufi wa balisana bani yana nani lingu. . . Kuna ni sesiñwi ka zona, mwa ziba, mibili ya luna iezizwe ka liluli la lifasi. Kaufela—kaufela se si pila sizwa mwa lifasi. Mi nekuna ni balisana baa, ne ba lumela kuli laimu yatusa lingu haina ni se si fosahalile, mwa ziba, kukula, kamba nto yeñwi cwalo. Ne ba bata kuli ilwaze fa licwe. Muboni lingu ha liezanga cwalo, iyo lwaza fa licwe. Mi kipeto ngu ya lwaza fa

licwe, ba ka sela linonsi fa licwe. Mi kipeto ngu ikala ku lwaza linonsi, mi kipeto ica ni licwe hamoho, mwa bona, ha—ha i sweli kulwaza linonsi cwalo.

7 Kihande, luna ni sikocela tuna luli sa Linonsi kulo moo. Lu ka li beya mwa Licwe, isiñi mwa keleke ifi kaufela; fa Licwe, Kreste Jesu. Mi mina lingu muna ni kulwaza cwale, mi muka—muka—muka—muka ba hande luli kapili. Matata a sibi kaufela akabe aile mu sa lwaza—kulwaza Licwe. Kona fela ze mu na ni kueza.

8 Ki nto yeama licwe lelina ni foliso ku lona, foliso. Mwa mazazi a felile, ba si ka fumana kale kalafo ya ndonga kwa butuku nja ye pulumuka ha iku luma, neba banga ni ze ne ba biza kuli “licwe la kupulumuka.” Mutu ha lumiwa ki nja ye pulumuka, kiñi, neba mu beya fa licwe la kupulumuka leo. Mi cwale, haiba licwe la kupulumuka . . . Haiba a kumalela fa licwe la kupulumuka leo, na iketa; haiba a sa kumaleli ku lona, kipeto mukuli wateni wa totobela luli, ki—ki kushwa fela.

9 Kona mo kuinezi ona cwalo ni kacenu. Butuku bo bu maswe hahulu bo Ni ziba ha ki ku lumiwa ki nja ye pulumuka, kono ki diabulosi. Mi luna ni Licwe la zeo, Licwe la Myaha-myaha. Mu kumalele fela ku Lona. Haibile fela wa kumalela, u kaba hande. Mi usike wa itulela ni kukuta mwa mulaho, zwelapili fela ku swalelela ku lona. Kumalela ku Lona, mi—mi uka—uka ba hande.

10 Cwale lu si ka kena kale mwa tuto ya luna busihu cwana, mi—mi lubata kuyema fa nako nyana, haiba lu kona, kwa linzwi la tapelo.

11 Ha ki wena kezela Robert Daugherty, nji ki wena? Faa. Na ni lizelize maabani, Ni sepa ki maabani, mi na sweli kuambola za kuli na bata kulapelelwa. Mi Ha—Ha ni zibi, u bonahala inge yena, Ha ni zibi kamba ki wena yena kamba nee. Ni kuboni kwanu maabani manzibwana.

12 Cwale, ki ba bakai ba ba bata kuhupulwa fapila Mulimu, kamba ba ba bata kuli Mulimu a mi hupule, nitaluse? Fela . . .

13 Ndata luna yakwa Lihalimu, sina—sina muopelisi wa luna wa lipina yomunyinyani kwani kwa Chicago hana opelanga kuli, “U ni hupule mioko hainze buba,” Mulena, u ni hupule cwale. Mwa hola ya lifu, mwa . . . mwahala za bupilo kaufela, lu bata kuli U lu hupule, Mulena. U si lu hupuli sina baezalibi, kuya ka seo luli sona, kono lu bata kuli U lu hupule sina Bakreste baba ipulezi libi; kuli lu amuhezi Jesu Kreste, Mwana Hao, mi ili Mupulusi wa luna, ku za . . . kuli a be tifo ya libi za luna. Kakuli, lu ziba kuli yeo kona fela—fela kolo inosi ye lunani, nzila inosi fela, mukwa unosi fela wa puluso. Ha ki ka keleke ifi kaufela kamba ka sibvana mañi kaufela sa mishini, kamba katengo kafi kaufela, kono ki ka Jesu Kreste, mi Yena fela anosi.

14 Kacwalo lu atumela mwa Libizo la Hae busihu cwana, lu kupa kuli U lu fuyauale halunze lu putehana hamoho kuli lubale Linzwi la Hao ni kuziba So lu bulukezi, mwa busihu boo. Kuli lukone kuyaha ka kupahamisa mibili yaluna—yaluna ya moya kuba mwa Keleke yepila. Keleke mo U kona kupila, ni kuzamaya teñi, ni kuikutwa bunde, kuzamaya mwahala sicaba sa Hao, ku lu bulelela sa kueza, ni kuziba se lukona kueza kapili.

15 Mi lwa Ku lata, Ndate, kono luziba kuli ha lu yo mwa buino bwa kuli U bulele ku luna ka Mo latela fela. Kacwalo lu lapela kuli U lu kenye mwa mupato, fo ki kuli, u pume kwateni bukuba bo kaufela, litalo le li lepelela kaufela lizwe ku luna busihu cwana, kuli lukone kuipa ku Wena ka kutala, kuli U itusise luna ka nako kaufela. Mi lu lapela kuli nako yeo ibe ona busihu boo, Ndate, kuli U itusise luna kwa kutisa litolwana zemunati za Bibebe ni ku litoma hande ni ku lumeleza sicaba kuli sibone ponahazo ya Krete mwa lusika tuna lwa keleke loo. Lwa kupa ka Libizo la Jesu. Amen.

16 Cwale, lubile ni masika a likeleke cwale, kushetumuka cwalo ni kwa lusika lwa keleke ya busihu boo, ki lusika lwa keleke ya busilezi. Kamuso busihu luka feleleza ka masika a likeleke; lungile iliñwi ka iliñwi mwa busihu ni busihu, la Mubulo kuisa la Sunda. Mi busihu boo, lusika lwa keleke ye lubizwa kuli ki Lusika lwa Keleke ya Filadelfia. Mi naleli kamba yena—yena mulumiwa, lingeloi la mulumiwa kwa lusika lwa keleke yee, lwa lumela, ka kutala, ka lipilu za luna kaufela, kuli abe John Wesley. Lusika lwa keleke ye ne lukalile ka 1750 fani lusika lwa keleke yaba Lutheran ha lu to fela, mi se luina kuisa ka 1900, mwahala silimo sa 1906 A.D., Lusika lwa Keleke yaba Wesleyan. Mi cwale, a kalisa kuzwa fale, kutaha kwa Laodesia.

17 Mi cwale lusika ki lusika lwa . . . lusika lwa keleke ya “lilalo la sizwale,” ili lusika lolutuna lwa “mulumiwa” ni lusika lwa “munyako o kwaluhile.” Mi mupuzo neli—neli musumo, “kuezwa musumo,” ni sinulo ya mabizo a malalu: libizo la Mulimu, libizo la Munzi wa Mulimu, ni libizo lelinca la Mulimu, kona sinulo yene filwe kwa keleke ye mwa lusika loo. Mi cwale, ki keleke . . . Lusika lo lu kalela mwa Sinulo 3:7, kuisa fa timana ya 13, mi ni timana ya 13 hamoho cwalo, Sinulo 3:7 kuisa fa 13.

18 Cwale, lubile lu talimela litaba ze mwa nako ya busihu ka bunyinyani, lwa kuta mwa mulaho. Mi lusika lwa keleke pili, neli Lusika lwa Keleke ya Efese. Kuna ni yakona kubulela lingeloi kamba Liseli lateni (mubuleli) wa keleke ya lusika lwani? Paulusi. Lusika lwa Keleke ya Efese, A.D. 55 kuisa fa 170. Libaka le ne Ni ketezi 55, kona fa na kalezi musipili wa hae wa bukutazi, mi neli yona nako ya na tomile keleke ya Efese mi ni—ni likeleke zeshutana zeñwi za taha mwateni.

19 Ku lukile, lusika lwa keleke ya bubeli neli Smirna. Kuna ni yakona kuhupula lingeloi la lusika lwa keleke kuli neli mañi,

kuna ni yaliteni mwa sitopa se? Irenaeus, ki yena. Ku lukile, neli kuzwa ka 170 kuisa ka 312.

²⁰ Lusika lwa keleke ya bulalu neli Lusika lwa Keleke ya Pergamosi. Kuna ni ya hupula, mwahala sitopa se, muhalalehi wa keleke yani neli mañi? Muhalalehi Martin, ki yena. Kuzwa ka 312 kuisa ka 606.

²¹ Mi cwale lusika lwa keleke yetatama neli Tiyatira. Kuna ni ya hupula muhalalehi ni mulumiwa wateni, lingeloi la lusika lwani? Columba, ki yena. Mi lwani neli ka 606 kuisa '515.

²² Lusika lolutatama neli Lusika lwa Keleke ya Sardisi, lone luli lusika lwa maabani busihu. Mi kuna ni . . . eeni sha, mwa ziba lingeloi lateni mwa lusika lwani. Mwa hupula? Martin Luther. Mi cwale lwa hae ne lukalezi mwa 1520 kuyo punya mwa 1750.

²³ Mi busihu boo lu mwa Lusika lwa Keleke ya Filadelfia; ili mokuna ni John Wesley, mulumiwa wa lizazi lani. Kuzwa ka 1750 kuisa 1906 A.D., mi ki lusika lwa “lilato la sizwale.”

²⁴ Cwale, lu fumana kuli yeñwi ni yeñwi ya likeleke ze, masika a likeleke, a bonahalize muinelo wa keleke yani. Ku—ku bulezwi seo keleke neili sona ni miinelo ya keleke, muinelo, nitaluse, wa keleke.

²⁵ Cwale, maabani busihu neli Martin Luther. Na . . . mwahali mo, Kina . . . Libaka le Ni ngela se mi bashimani basweli ba si beya fa tepu. . . Ni sweli kubalisisa musihali kaufela. Mi mu li, “Musihali kaufela fa litaba nyana za kale zo bulela fa?” Batili. Litaba zesupa kwa ikale lika beiwa mwa buka, mwabona. Yo fa, Ni . . . libaka le lutela kwanu, ki kunga lika ze ku li shitula ka susumezo yetaha fapila mina, ko lu kopanela hamoho kuli lube ni siemba se si susumelizwe za zona. Litaba za kale, Na kona kubala zeo mwa buka. Kono fa kona fo Ni bata susumezo, mi kipeto lu linga kuzwa fa tepu. Kipeto luba ni—luba ni . . . Mwa buka, mi, lu kaba ni bubeli bwa litaba za kale zatani mi hape ni susumezo ya Moya o Kenile o lu file ka nako yeluli hamoho mo, ona libaka za mahalimu ze ku Krete Jesu. Mi Ni lumela kuli li lukela ku lutabisa ka kuba ni litaba ze fa masika a likeleke. Mi Mulena a lumeleze limbuyoti za Hae ku zona.

²⁶ Cwale, ki . . . Maabani busihu, lusika lwa keleke, ki . . . ka kuba Lusika lwa Keleke ya *Sardisi*, luli mwa Sigerike ne lubizwa kuli, “baba balehile,” kono Na lumela mwa toloko ya Sikuwa ili “kushwa.” Cwale, neli zepeli cwalo keleke ye “shwile” ni “ya balehile” kakuli neli keleke ye ne shwezi mwatasi puso ya pope mwa lilimo za 1500 mwani, kamba 1520, za—za puso yetuna ya bupope ye lubiza kuli Masika a Lififi; koo Bukreste nebuli kwatasi a buliba ko bukile bwaba kamba mane ko bukaba fateni, mane ni mwa Lusika lwa Keleke ya Laodesia.

²⁷ Cwale, kuna ni nto ye tabisa niteni, muzwelepili kuziba mwa minahano fo ku kalela masika a likeleke aa, mi kaufela ze li mwa lusika lwa keleke iliñwi yani li ya mwahala masika kaufela a

likeleke zeñwi, mi ifi ni ifi ya masika a likeleze ani ne itatamana lo ku loluñwi. Haiba mubala litaba za kale ka tokomelo ni buka, mu ka lemuha cwalo.

²⁸ Ki kutatamana sina *cwana*, inge ainzi fahalimu a lufi ni lufi. Mi lusika loluñwi lwa keleke lusweli kufela, mi lingeloi le li taha mwahali mwani lu lukela kubiza keleke yani kukutela kwa tumelo yene latehile. Kubile cwalo kamita.

²⁹ Mutalime ku Juda, buka ya mafelelezo mwa Bibele, mwabona, konji ha mu yo punya mwa Sinulo mwani. Juda naize, “Ni ñolezi—ni mi ñolezi kuli mulwanele katata Tumelo yekile yafiwa hañwi kwa balumeli babakenile.” Kutatamana kwa masika, mwahala ba apositola ni kutaha kwa Sinulo, kakuli buñata bwa baapositola ne se ba shwile. Mwabona, ne ba felile. Alimuñwi yana pila ka nako yani, yani neli Muhalalehi Joani, ili musinuli, yali yena musinuli kamba muñoli ya na amuhezi Sinulo yezwa kwa lingeloi la Mulena kuli añole Buka ya Sinulo.

³⁰ Cwale, mwabona, za tatamana lo ku lo. Kona kuli cwale . . . Ni sepa mu lemuhile seo ni ku si tokomela, ha sinze si shetumuka, sina ha Ni bile ni bulelanga ka zona. Kuli mane nihaiba mwa—mwa lusika lwa *Sardisi*, lwani neli lusika lwa linyalo. Kaniti, keleke ya li kuba itahe mwa kupila ko kutezi kufitela Tiyatira, kono ya to nyalwa mwa Sardisi. Mi *Sardisi* italusa “kuba mwa—linyalo.”

³¹ Cwale—cwale haiba mu lemuha fo ne inyalezwi *fa*, mi kipeto ni ku tatamana mwa mulaho wa lusika *lwani*. Mi mu lemuhu Luther, maabani busihu, ne lu fumani libizo la “kushwa,” libizo la kushwa, mi cwale “ya balehile.” Mwabona, ne luna ni keleke ye shwile kuzwelela kwa mulaho *kwanu*, mi kubaleha kwa bo masiyaleti baba likani ba tiswa mwa lusika *loo*.

³² Mi busihu bo halunze lu feza mwa lusika lwa Filadelfia loo, ki kutisa kwa makalelo a lusika lwa Laodesia lo.

³³ Mi kamuso busihu ha lu ka zwa mwa . . . ili kwa mafelelezo, mu lemuhu, lingeloi libonahalela hande kwa mafelelezo a nako (mi kwa mafelelezo fela a nako) ku kalimela keleke bakeñisa ku latehisa lilato la yona la pili ni mo ne izwezi ku Mulimu sina mo ne baezelize kwani, mwahala masika. Mi, ka nako yani, Kuungelwa kwa balumeli ku taha ku to isa Keleke kwa Hae, Keleke iingelwa mwa lihalimu kwa mafelelezo a Liñusa. Mi kacwalo lu—lu atumela seo cwale. Kana mu utwile taba yeo? Ku kukile. Mwabona? Ku lukile. Mwabona, kwa mafelelezo fela a—a lingeloi la keleke (mulumiwa wa lusika) litaha ku to ba kalimela ka kulatehisa lilato labona lapili, mutise . . . kulika ku batisa kwamulaho.

³⁴ Ki nto yeswana ni ya eza mulumiwa busihu bwa kacenu, lingeloi la mulumiwa likutela ku bona (lusika ni lusika ona cwalo) ka se ne ba ezize. Kona kuli seo si eza lika ka kutatamana ku lufi ni lufi kaufela lwa masika a keleke, ki kukambama fela fa

lusika lufi ni lufi ona cwalo. Inge kupahama fela fa mapahamelo, li beilwe mwahala likalulo ze *cwalo*, kuya fahalimu.

³⁵ Cwale Ni na ni fela siemba sa litaba za kale fa ka za mulumiwa wa busihu boo, ili John Wesley. John Wesley na li yena naleli ya lusika loo. Mi na pepilwe la 17, Mbuwana, 1703, mwa Epworth Rectory, England. Nali mwana wa bu fifitini mwahala bana ba naintini. John ni Susanna Wesley, ndatahe ni mahe. Ndatahe, neli mukutazi; mahe, muhalalehi ya kenisizwe; nihaike nge ana ni bana naintini ba ku babalela, na fumananga nako mwahala bupilo bwa mipatelo ya hae musihali kuli alute bana ba hae lituto za Bible ni makande a Bible ni ku ba lapelela. Kona se ne si ezize bana kuba mo ne ba inezi. Muñoli yomutuna wa lipina, Charles, muhulwana hae, ya na file lifasi lipina zende hakalo ku ze lunani.

³⁶ John, mulikana George Whitefield. John—John Wesley ni George—George Whitefield kona bene bali bakalisi ba Methodist ye. . . kamba za kubeiwa babalukile.

³⁷ John azuha ka mapakela zazi ni zazi; ka myaha ye mashumi a silezi ka fo kiloko. Yeo kona nto iliñwi ko i wile keleke. Kuzuhanga kakusasana ni kakusasana ka foo kiloko, ni kukutaza ka A.M. ka myaha ye mashumi aketalizoho kundandamisa ona cwalo. Mi fokuñwi na kutazanga habeli kamba hane ka zazi. Ku bulezwi ki sicaba sa kwa England, kuli, “Na pahami pelesa ka limaili ze fote-faifi mwahala Makuwa mwaha ni mwaha, inza kutaza Evangeli.” Fote-faifi limaili fa. . . Zeo ki limaili za Makuwa, mwa ziba, ha li sa swana ni limaili za luna; kuli akutaze Evangeli.

³⁸ Libuka zeñata za hae. . . ze ne ñozwi ze maswe ka yena mwa lizazi le, ku mu sinya libizo, ku mueza ka lishano. Kono se li libezwi cwale, mane ni bañoli ba zona hamoho. Hakuna se mukona kueza ka mwana Mulimu ni kufita kusina mulatu, fela muka—muka nataka fela mwa moya. Mulimu ukana a mu tusa mwahala lika kaufela, nihakuli cwalo.

³⁹ Na bizwa wa Methodist bakeñisa mikwa ya likezo za hae. Ku izwe, “Mwa nako ya kupila kwa hae,” kuli, “na kutralize likutazo zeñata kufitelela fote-saizande.” Munahane ka zeo: likutazo ze fote-sauzande. Kasamulaho amano shwa ka 1791, ba kopano ya Methodist ba tiyela mwa lituto zabona mi ba kalisa keleke ya Methodist. Mi, eeni sha, Asbury ni babañwi babañata nebaliteni ka nako yani.

⁴⁰ Cwale, haiba lu lemuha, litumeliso kwa keleke ye; sina ha lu ka kalisa cwale fa timana ya 7, mulumiwa wa Filadelfia. Keleke ya niti mwa Keleke ya niti—ya niti mwa keleke yene ipulela cwalo. Neli Keleke ya niti mwa kuipulela fela.

. . . uñolele lingeloi la keleke ya Filadelfia uli; . . .

⁴¹ Ni mi zibisa kutatamana kwa zona, yeñwi ni yeñwi, cwale. Cwale, mu ka fita faa, ki lingeloi. . . haiba mu ka talimela mwa

ezelize mwa lusika lwa . . . Methodist lo ne lu tatami lwani, mi ni ku kena mwateni ka bunyinyani mwa Filadelfia . . . kamba lwa Laodesia, lusika lwa ba Pentekota. Mi, kamuso busihu, mulumiwa wa Pentekota ukuta kwa ku to kalimela bakeñisa kuwa, mane inge fela lusika lo mo ne lu ba kalimelezi kwa mulaho kwani mwa Sardisi (mwa lusika lwa baha Lutheran), kutatamana cwalo.

42 Lilato la sizwale. Neli lusika lo lutuna lwa bahasanyi ba linzwi ni litumo za kutazo. Lifasi ha li si ka bona fateni nako, mane likena ni mwa nako yaluna cwale, kuli, lifasi ha li ka bona nako yecwalo ya balumiwa ba linzwi kai ni kai. Mwa mafelelezo . . . Oh, Ni ka bulela kuli myaha ye mwanda ni ye mashumi aketalizoho yefitile, ibile iliñwi ya linako zende hahulu ya litaba za kale za lifasi ze na ni Evangeli. Se ibile . . .

43 Kuya ka mo kuinezi lika—ka mo kuinezi lika, ki kuzwelapili fela, kuluma liñusa la Evangeli fa pampili ni tubuka ni libuka ni zeñwi cwalo, Evangeli se ihasanezi mwa naha ifi kaufela ku aliteni mwa lifasi ka mwaha ulimuñwi ofelile, kale kale. Konakuli, mwa bona, seo si bonisa kuli ha ki zona za na bulela Jesu. Na si ka bulela kuli, “Muye mwa lifasi kaufela mu yo yaha likolo za Bibebe.” Kamba mane Na si ka bulela kuli, “Muye mwa lifasi kaufela mu yo fa libuka.”

44 Lika zeo li lukile, kono tumo ya Hae kwa Keleke neli kuli, “Muye mwa lifasi kaufela mi mukutaze Evangeli.” Mi Evangeli ha ki Linzwi fela, kono ki kutisa Linzwi kwa Bupilo. Mwabona? Kakuli Jesu naize, kapili, “Lisupo ze li ka latelela baba lumela.” Mwa ziba, Mareka 16, tumo ya Hae ya—tumo ya Hae ya mafelelezo kwa Keleke neli kuli, “Lisupo ze li ka latelela baba lumela.” Tumo ya Hae yapili kwa Keleke, mwa Mateu kauhanoyoya 10, neli kuli, “Mufolise bakuli, muzuse bafu, mu leleke mioya; kakuli mu filwe feela, mufane feela.” Mi Liñusa la Hae la mafelelezo kwa Keleke neli kuli, “Muye mwa lifasi kaufela mu kutaze Evangeli kwa sibupiwa kaufela. Ya lumela mi a kolobezwa uka piliswa, ya sa lumeli uka beiwa mulatu, mi lisupo ze li ka latelela ba balumela.”

45 Kana ha ki nto yenca kuli babañata ba pumile kwateni siemba seo? “*Mi*” ki linzwi la kukopanya le li tamahanya mubamba wa mina hamoho, mwabona. Cwale, Na ize, (Buñata bwa bakutazi ba ka bulela kuli, “Muye mu kutaze Evangeli.”) “Ya lumeli mi a kolobezwa uka piliswa, *mi* ya sa lumeli uka beiwa mulatu, *mi* lisupo ze lika ba latelela. *Lika* ba latelela; *ba* balumela. Ka Libizo la Ka ba ka leleka mioya; ba ka bulela ka lipuo ze nca. Ha ba ka swala linoha, kamba kunwa sifanu, halina ku ba tiseza kozi; ha ba ka beya mazoho a bona fa bakuli, ba ka foliswa.” Lisupo za Mulimu ya pila linze li zamaya mwahala sicaba. Oh! Kuisa kai cwale? Kwa lifasi kaufela. Mwa utwa kana? Lifasi kaufela.

46 Kabakaleo cwale ha Ni bulela kuli Liñusa la pentekota . . . (Isiñi kopano ya ba Pentekota cwale.) Liñusa la ba pentekota kona fela Liñusa la niti le lizwa ku Mulimu. Cwale amutalime, Mareka 16, haiba musweli kubala za Lona foo. Ku lukile, ona fa Jesu na lumile Keleke ya Hae kuli, “Muye mwa lifasi kaufela; mukutaze Evangeli; lisupo ze: kubulela ka malimi, kufolisa bakuli, kueza limakazo . . .” Li kaya kufita kai? “Mwa lifasi kaufela.” Ku—ku ba bakai? “Kwa sibupiwa kaufela.” Fo ki ku yo punya ni fafasi fa, “Kuisa kwa maungulo.” Ku lukile. Lisupo ze li ka latelela fela keleke *yee* inosi nji? “Bona ba balumela, mwa lifasi kaufela. Lifasi kaufela, kwa sibupiwa kaufela, lisupo ze li ka ba latelela.” Isiñi *yoo*, “bona” ba balumela. Kona kuli ki Keleke ya pentekota. Mwabona?

47 Cwale, lu ngile zeo mwa lusika loo, ona mo luinzi cwale mwa Filadelfia, *F-i-l-a*, Lusika lwa Keleke yaba Filadelfia. Mwa lusika lwani mwani, ne ba hasanyize linzwi ni kushaela bulumiwa katata, lifasi kaufela ka kutala litezi fela libuka.

48 Jesu naize, “Evangeli ye ha ikutazwa—*Evangeli* ye ikutazwa kwa lifasi kaufela kuli ibe bupaki ku Na, kona kutahe mafelelezo.” Kihande, cwale, haiba zeo kona za Na bulela, kuhasanya fela kwa libuka, kuluma bakutazi ba bulumiwa ni kubala, kuñola, kuziba lipalo, ni kufanana fela mapampili ni kuswalana mwa mazoho ni kulumela kuli kuna ni Mulimu, haiba zeo kona ze ne tokwahala feela, kona kuli U fitelezi kutaha kwa Hae. Uh-huh. Kona kuli si bonisa kuli Evangeli . . . Paulusi naize, “Evangeli ha isika taha ka linzwi fela, kono ka mata ni liponahazo za Moya o Kenile.”

49 Mi cwale Jesu naize, “Muye mwa lifasi kaufela mukutaze Evangeli,” Na ize, “Muye mwa lifasi kaufela mi mubonise!” Oh, Na lata cwalo. “Mubonise mata a Evangeli.” Kunga Linzwi, ona se Li bulela, ni kubonisa sicaba se Li bulela mi ni ku Li bonahalisa ku bona. Oh, kona cwalo. Seo kona se si Li bonahalisa.

50 Oh, fani Morris Reidhead yomutuna, ha na yemi mwa muzuzu waka kwani zazi lani, mueteleli wa litopaza za ba Sudan Missions, zetuna hahulu mwa lifasi; ha na bulezi kuli, “Muzwale Branham, wena ka kuba mu Baptist, u lukela kuziba seo Niti ili sona.”

Se nili, “Bibele ki yona Niti.”

Mi sa li, “Kihande . . .” A bulela kuli, “Ki sikamañi se ba nani Mapentekota baa?”

Se nili, “Ki Moya o Kenile.” Mwabona?

Mi kacwalo ali, “Oh, Ni ba boni ha ba pazaula lipula ni kulahaka libyana.”

51 Se nili “Eehe! Nto yateni fela ki kuli, mina mitangana mu swanela ku tokomela ni ku ikambusa kwa lika za bona.” Bana

ni lufulo lo luñata, ba ka pikulusa liwili ni kueza sika, kono ba ka lizaka fela pindo, mwa bona. Se nili, “Haiba ba ka mubeya fela fafasi faa, ne ba kaba ni lisupo, ze komokisa, ni limakazo, ni lika zeñwi cwalo. Kono ha ba zibi za kueza ka zona, lina ni kufita fokuñwi, konakuli fela—fela ba ka huwaka kihona, ni ku lizaka hahulu.”

⁵² Hmm, Ni tabela kuli ni lizake hahulu, kufita ku itiisa kusina kuba ni lufulo lo lulukela kukashezwa kwande. Nji mina boo? Sina mutangana wa kale mwa na bulelelanga kuli, “Ni kona kusaba folofolo ya mwa naheñi. . . Ki hande nibe ni mulilo nyana wa mwa naheñi kufita ku sa ba ni mulilo o mukana.”

⁵³ Butata bwateñi kacenu, lu lika *kupenta* mulilo, ni kubulela kuli, “Mwa ziba, mwa mazazi a kwamulaho a Pentekota, ne ba ezanga *cwalo*.” Cwale, ki bunde mañi bo buliteni ku bonisa mutu ya hazela (ya kangela kubata kushwa) mulilo o swanisizwe? Ha una ku mu tusa ni hanyinyani. Batili. Muna ni. . . Una ni kuba ni mulilo yena kasibili. Mi haiba kuna ni mata a Mulimu ana ezize Mapentekota ku belekela Mulena, ni kueza misebezi ni lisupo ze ne ba ezize; haiba hamuna fela *kupenta* siswaniso, kono ki kutisa siswaniso mwa buniti ku yena, ba ka amuhela kutwisiso yeswana, yona puluso yeswana, ika kwahela bupaki bwa bona *mone* ba ezelize. Mwabona? Kono mu lukela ku ba fitiseza zona. Ha mu lukeli ku li beya mwa lusika lusili cwalo, kono ki ku litisa fahalimu faa.

⁵⁴ Cwale lu fumana cwana kuli lusika lo lwa lilato la sizwale neli lusika lolutuna lwa balumiwa ba linzwi. Jesu naize, “Kwa lifasi kaufela, ni kwa sibupiwa kaufela, *mi* lisupo zeo li ka latelela.”

⁵⁵ Cwale, halunze lutile mwahala litaba za kale ni kotalima mwa Bibebe, Ni bata ku mi buza, kana ha ku sikaba cwalo busihu ni busihu. . . ? Lu bala mwa Bibebe mo Jesu za na bulelezi Joani kuli li ka ezahala, mi onafa lungile litaba za kale ni kubonisa kuli li ezahalile. Ona cwalo feela. Mi leo kona libaka ha Ni bile ni nako yecwalo ya kubatisisa baana baa—baana baa ka kubona mutanga wa Mulimu yani mwa na iselize Liñusa le kwapili, kono naliteni fani. Naliteni fani, ona cwalo mo ne ibulelezi fela Bibebe, a buluka Liñusa sina mo ne kuinezi kwa simuluhu, na si ka lyangana ni Lona.

⁵⁶ Mi cwale lu Li bona kuli ne se li nepezwi kwande, mi A biza ona lusika lo luswana lwani kuli “lusika lolu shwile,” lwa lififi, ni zeñwi cwalo. Mi se kutaha liseli nyana, ni mata nyana ka butuna, mi kipeto za ya mwa pentekota (kutwisiso ya niti) hape kwa nako ya maungulo; mi hape Munyaliwa a ngelwa, mi sa Li ya ka mukwa o swana; ni Nyandiso ya kala hape, ku lukile, ili Nyandiso Yetuna ye ka tahela lifasi kaufela.

⁵⁷ Cwale lusika lolutuna lwa bahasanyi ba linzwi, lilato la sizwale, lusika lwa bulumiwa. Ha lu boneñi ni mi bulelela

babañwi ba baana babatuna (mi cwale se Ni ñola mabizo a bona kulo faa): John Wesley; George Whitfie-. . . Whitefield, ne li mwa 1739; Charles G. Finney; Dwight Moody; William Carey, mulumiwa yomutuna yana ile kwa India ka 1773; David Livingstone, kwa South Africa. Mwabona, bao kaufela, babañwi baana babatuna bani. Fela. . . Nina ni mabizo a ba bañata ba bona faa, baana babatuna bene bapila mwa lusika lwa lilato la sizwale lwani; kuli, mutu yomunsu, mutu wa mukuwa, mutu yo mufubelu, mutu wa bu ñandatalukeke, mamota kaufela na wiselizwe fafasi, mi baana ba bakena mwa misebezi ya kuhasanya linzwi mwa masimu. Lilato la sizwale, ku otololela lizoho kwa linaha kaufela kai ni kai, mi ne li kwaluhezi ku bona kuli ba kene. Lusika lo luñwi lwa munyako o kwaluhile, kakuli ne ba si ka. . . Ba sika eza kale cwalo ne ba sa koni, ba bupope ni—ni bupope bwa Rome ni babañwi cwalo nelina ni zona kaufela kufitela ba palelwa kufita. Kono mwa lusika lwani sikwalo sa kwalulwa, kakuli Na bulezi kuli neli lusika lwa “munyako o kwaluhile.”

⁵⁸ Ba kwalula minyako yemiñata hahulu mwa lusika lwani: munyako wa Evangeli, munyako wa misebezi ya kuhasanya linzwi mwa masimu, mu—mu—mu munyako wa kukena ku Kreste, ni lika kaufela za kwaluha ka lusika lwani. Mi mwakona kubona ze ne ba ezize, mizwale ba eza musebezi omutuna ka zona.

⁵⁹ Mi kuzwa ku John Wesley, naleli ye ne latelezi Lusika lwa Sardisi, ha ne se itilo ba zusa mwa Lusika lwa Sardisi, ka myaha ye ne fitile ye mwanda ni ye mashumi aketalizoho ya balumiwa babatuna ba linzwi (kusina nako isili kamba lusika lo ne luswana ni lona sapili) li kwanile lifasi kaufela. Munahane ka zeo. Naha ni naha mwatasi lihalimu i utwile Linzwi. Li felize lilimo zeñata, ñata, ñata kwa mulaho kafoo, mwabona, kono isiñi Evangeli, kono ki Linzwi, “Liñolo la bulaya kono Moya ufa Bupilo.” Mwabona?

⁶⁰ Hane Ni yemi mwa South Africa, fa katala fani zazi lani, ni kubona kuli nekuna ni likiti-kiti za bene bainzi kwani, ba Mohammedan. Mi Na katana alimuñwi mulumiwa wa Mohammedan. Mi mulumiwa wa Mohammedan yo ali, “Oh, kwa moyo omunde wani.” Cwale, muuna yani na inzi kwani hala lilimo ni lilimo, mi na sikululezi Mohammedan alimuñwi ku Kreste. Kakuli ba Mohammedan ba zwelela kwa ma Medes-o-Persian, sina milao ya bona ha isa cinci kamba nihaia kufetuha; haiba mutu ki Mohammedan, ki Mohammedan linako kaufela.

⁶¹ Kona kuli nebana ni moyo ulimuñwi kwani yena muzwale yoo yana bulelwa, inza yemi mwa patelo ya Pretoria, nkambe yetuna ya South Africa. Kwani ki kwa—kwa naha ye lukuluhile, naha ye lukuluhile, Orange state, mi ni kwa Transvaal.

62 Mi lwa ya kuzwa kwani, ku shetumukela kwa Capetown ni Bloemfontein, mi ka nzila yani; ku yo punya kwa Grahamstown, East London, mi ni ku . . . kutela kwa Johannesburg hape ha se luzwile mwa Capetown, ni kutaha kwa likamba.

63 Ku lukile, tolopo ya mafelelezo ko ne luile neli Durban, kone lu putehanezi buñata bwa bañi ba naha, nekuna ni mwanda ni mashumi aketalizoho kamba likiti ze mianda ye mibeli za bañi ba naha bene ba putehezi kwani, ba Mohammedan, ba matakanyani, neluna ni . . . nebana ni . . . kunga lisunda kuzamaya . . . mwa—mwa tunzila, kufitelela Churchill Downs, ya bubeli kwa butuna mwa lifasi; London kona yena ni yetuna hahulu, South Africa, ni—ni Churchill Downs. Mi nebana ni makwakwa kakuli nebana ni lindwa za mikowa, mi mapokola (balibeleli baba mianda yemibeli kamba mianda yemilalu) bali kuyema fani inge ba kenya mushobo ni mushobo mwa lukwakwa kuli ba itwanise, ni ku ba amuha lilwaniso, ni masho abona ni ma assagai, ni zeñwi kaufela ze ne ba lwezi. Bali kuina mwa mubu mwani, yo utalimela yomuñwi mwa limota, ni lindwa za mikowa. Malena bona inge bali fahalimu . . . inge baba shimbile fa . . . yomuñwi inge asweli sifukiso sesituna sa moya inza ba fukiseza cwalo, ni malena ba basali. Mulena wa musali wa kwa Rhodesia ataha ni limota ze twenti-sebene zetezi sitima kamba batu kuzwa kwa Rhodesia, ku to ba mwa mukopano. Mi ni—sitima se si ipitezi sa taha.

64 Mulena na sweli kueza lika zetuna, zekomokisa zetuna ni lisupo. Mi ki sikamañi se lu fumani? Sidney Smith, mubusisi wa mwa Durban; na zamaya zazi lani, se Nili, “Ki sikamañi sa beile mutangana yani . . . kasila kani fa mulala wa hae, ka itamile?” Neli muuna yomunsu, sina mo ne luka mu bizeza kwanu, lusika lwa ba bansu. Bao kona bene Ni i lo kutaza ku bona. Mi buñata bwa bona ne ba si ka apala litino ni hanyinyani, kutokwa nihaiba sika, baana kamba basali. Kona kuli, nana ni kalimu mwa lizoho la hae mi nana ni kasila nyana mwa mulala wa hae. Se nili, “Ki sikamañi se ba . . . tusila twani fa mulala ki twa sikamañi?”

Ali, “Ki Bakreste.”

Se nili, “Mukreste? Ni kalimu mwa lizoho?”

65 Ki hali, “Kihande, cwale, Muzwale Branham, Ni . . . ki mu Songhai,” ali, “Na kona kubulela mushobo wa hae.” Ali, “Lu ka ya kwateni fela ni mota, mi u ambole ni yena, u mu bize ka mabizo amañata kaufela o bata. Lu ka ambola inge kuli lubata ku mu buza lipuzo, Ni ka mu buza ni ku ku bulelela sa bulezi.”

66 Kacwalo se Nili, “U cwani, Thomas?” Ne ni mu bizize kuli Thomas kakuli ne Ni hupula kuli leo ki libizo le li swanela. Mi se Nili—Se nili, “U—u i kuutwa cwani, Thomas?” Mi a ni talimela. Mi se Nili, “Kikuli—kikuli u Mukreste?”

“Eehe,” na—na li Mukreste.

67 Mi se Nili . . . Oh, eeni sha, na sa ni zibi. Na si ka be fateni . . . hakuna ni wa bona yana lu boni fateni. Kona kuli se Nili, “Kiñi ha u zamaya ni kalimu kao?”

Mi, “Oh, bo—bo ndatahe kona bene ba ka lwezi.” Mwabona, ne li—ne li kakane. Mwabona?

68 Mi se Nili, “Kana . . . Bo ndataho kona baba ka lwezi.” Se nili, “Kihande, haki—haki libaka la kuli una ni ku ka lwala. Wena u Mukreste, ha u lukeli ku zamaya ni kona.”

69 Mi ali, “Kihande, zazi leliñwi tau ne imatisa bo ndatahe, mi ba tukisa mulilo ni kubulela tapelo ya kupeta yana ba bulelezi ñaka, bakeñisa kalimu ka, mi kalimu ka se ka matisa tau.” Lifolofolo li bulaile zeñata za zona kwani. Mi a . . .

70 Mi se Nili, “Talima, ne—ne si tapelo ya na ku bulelezi ñaka, neli mulilo o no sabisize tau.” Se nili, “Tau ya saba mulilo.” Mi se Nili, “Kakuba Mukreste, Thomas, ha u lukeli kushimba nto yeo. Ha ulukeli kuba ni sa kuezja ni seo.”

71 Mi se Nili, “Oh, kihande,” mi ali, “haiba Amoyah . . .” Ao ki mata a sa bonwi, Mulimu wa luna ye lu sa boni. *Amoyah* italusa nto yeñwi, “mata aswana ni moya.” Ali, “Haiba—haiba Amoyah a palelwa, se hasina kupalelwa.” Kona kuli na li shimbile kaufela zona hamoho, “Haiba silisiñwi hasina ku beleka, sesiñwi si ka beleka.” Cwale, ao ki mata a Bukreste. Uh-hum. Eehe. Oh, mawi.

72 Kono cwale musihali wani, fani Moya o Kenile ha u to tuluka mwa mukopano mwa sitediamu ni kukala kupatulula likunutu za lipilu, kasamulaho Ni ma no bala Liñolo . . .

73 Mwendu hola cwalo, ko ne ku ni tanda mizuzu ye lishumi ka ye ketalizoho, kakuli nebana ni batoloki baba shutana baba fifitini kuli ba bulele kaufela. Kacwalo ha Ni—Ni bulele inge kuli, “Jesu Krete Mwana Mulimu”; ni *yo* abulele, “ah, bah, bah, bah, bah”; ni *yo* ali, “gloo, gloo, gloo, gloo”; mi *ni*, “um, um, um,” sina cwalo; kaufela zona litalusa “Jesu Krete Mwana Mulimu”; batoloki. Mi Ne ni na ni kuñola se Ni bulezi nako yefelile, Ne ni sike na ziba fo ni zamaela, ni kulibelela kufitela ba fita mwatani kaufela.

74 Mi ha li yo kuta, Ni li, “Cwale, mulumiwa u mi bulelezi za Jesu ya ti lo mi pulusa.” Ne mukona kubona ha ba talimana yo ni yoo, mwa ziba, mishobo ye shutana, kwa maneku kaufela kafa ni kafa ona cwalo. Se nili, “Mulumiwa u mi bulelezi kuli. Kona kana mulumiwa yani . . . Mwa kubala Buka ye, kana muboni fa Na li Mufolisi yomutuna fa Na pila mwahala lusika mwa sicaba kufitela A kuta hape? ‘Misebezi ye Ni eza muka ieza ni mina.’ Mina baba amuhezi Krete kuba Mupulusi wa mina, babana ni tusila twani cwalo, kana mu tabela kubona Jesu hakuta kacenu mi a zamaye mwahala sicaba inza eza lika zeswana za Na ezize ha Na li mwa lifasi?”

75 Oh, kaufela bona, “Luli!” Ne ba bata kubona sani, mwa bona. Ne ba bata cwalo.

76 Se nili, “Kona kuli haiba Uka eza cwalo, uka itusisa luna kwanu kueza nto yeswana ya Na ezize ha Nali mwa lifasi moo, kana muka lumela Linzwi la Hae?”

“Oh, luli!” Mwa bona, ba Mohammedan inge bainzi fani.

77 Ya pili...mutu wa bubeli fa katale neli musali wa Mohammedan. Moya o Kenile unzo bulela, Na li ku musali na kasibili, se Nili, “Cwale, u ziba kuli Ha ni ku zibi wena, Hani koni mane kubulela ni mushobo wa hao.” Mi a itumelela cwalo.

78 Nana ni mubala o mu fubelu mwahala meeto a hae, o no paka kuli neli mu Mohammedan ya kwanile hande. Kacwalo, se Nili, “Kihande, cwale, kwa ku kufolisa, Ha ni koni ku ku folisa.” Kono se Nili, “Kana u utwisize. . . se Ni bulezi musihali woo, mwa Liñusa?”

79 Mi kiha—kiha ambola ku mutoloki wa Mohammedan kuli. . . Nali mu Indian, seo nali sona. Mi ali, “Eeni, na li utwisize. Na sa balile Testamente ye Nca.” Oh, eehe. Uh-hum.

80 Mwabona, ba lumela ku Mulimu, nibona. Ki lipeu za Abrahamana, hape. Mwabona? Kono abulela kuli na “lumela ku Mulimu,” kono, na “lumela kuli Mohammed neli mupolofita wa Hae.” Mi luna lu lumela kuli Jesu nali yena Mwana Hae. Mwabona? Kacwalo musali ali, oh, u—u “lumela ku Mulimu.”

81 Mi se Nili, “Mi haiba mwa ziba kuli Testamente ya Kale ni kuziba kuziba seo Mulimu nali sona mwa baana ba kwa ikale, mwa masika afelile, mi Jesu, Yena ye lubiza kaufela kuli ‘Kreste,’ na lukela kuba Mupolofita Mulimu. Na. . . ba Mu bulaya. Mu nahana kuli ne ba si ka eza cwalo nji, kakuli mu bulezi kuli na pahami pelesa yesweu ni kuya kuikela. Seo kona se mu lutile ka muprisita wa mina, kuli, ‘Na si ka bulaiwa, cwale. Mi ha shwa lifu la batu fela kwa sibaka sisili fela, myaha yeñwi kasumulaho.’”

82 Se nili, “Wa lumela cwalo. Kono Jesu yo, ka nzila. . . kuya ka Testamente ye Nca, A shwa ni kuzuha hape, mi aluma Moya wa Hae kukutela mwa Keleke ya Hae.” Cwale una ni bona, mwabona. Ona cwalo kona mwa na swabiselize Mohammedan yani Billy Graham ka zona, mwabona. Kinto ye swana, mulao o swana.

83 Se nili, “Cwale haiba. . . Mohammed a si ka mi fa lisepiso ze cwalo. Kono Jesu na lufile sepiso, kuli misebezi yeswana ya Na ezize luka ieza ni luna. Cwale, mwa hupula Na bulezi mwani ku Muhalalehi Joani 5:19, ‘Hakuna se ni eza kwanda kuli Ndate a Ni bonise.’” Se nili, “Cwale, haiba Jesu uka taha a ni bonise seo butata bwa hao buli sona kamba so tezi kwanu, ku kubulelela ze luketala ku kutahela, za kwa mulaho mwa bupilo bwa hao, ni seo bukamusu bwa hao bukaba sona, mi haiba Akona ku ni

bulelela za bukamusu bwa hao . . . za kwa mulaho wa hao, kaniti uka lumela seo bukamusu bu kaba sona.”

Musali ali, “Yeo ki niti.” Mwabona, kufitela ku mutoloki.

Mi se Nili, “Ku lukile, Ha li eze.”

⁸⁴ Mi kaufela ba Mohammedan kona se ba yema, inge batalimela, mwa ziba. Mi Moya o Kenile wa li, “Muuna hao, ki yomukuswani, muuna yomukima, yana ni mulelu o munsu. No li dokota, mwendi mazazi amalalu afitile.” Nali, “Una ni bana bababeli. U ku tatubile mwa neku la za sisali, na bulezi kuli, ‘No na ni sishela mwa mba.’”

A talima fafasi, ainamisa toho ya hae, mi ali, “Yeo ki niti.”

⁸⁵ Mi se Nili, “Cwale, haiba ubalile Testamente ye Nca, kuswana sina Jesu Kreste Yana bulelezi musali fa siliba?”

“Yeo ki niti.”

⁸⁶ Mi se Nili, “Kihande, kiñi ha utile ku na ka kuba Mukreste? Kiñi ha u si kaya ku mupolofita wa henu wa Mohammedan?”

Musali ali, “Ni sepa wa kona ku ni tusa.”

⁸⁷ Mi se Nili, “Ha ni koni ku kutusa. Kono haiba u ka amuhela yena Jesu Yali fa cwale, Ya ziba bupilo bwa hao ni kuziba ze kuama kaufela, Uka ku tusa.”

Ki hali, “Na amuhela Jesu ka kuba Mupulusi waka.”

⁸⁸ Sani sa eza. Sani neli sona. Ba Mohammedan ba teni sauzande bataha ku Kreste musihali wani. Mwabona? Seli myaha ye mashumi amalalu mwa musebezi wa mwa simu, mi za fetuhela mwa libuka; koo, mwa nako yelikana mizuzu iketalizoho, ba teni sauzande ba taha ka Evangeli ha inze ibonahazwa.

⁸⁹ Mulimu ali kuba a lu bulelele kuyaha likeleke, ali kuba a lu bulelela ku yaha likolo. Kaufela zeo ki zende. Lipatela ni zeñwi cwalo, Mulimu uziba kuli lwa li tokwa, ki tukiso ya Hae; kono haili tumo ya Keleke ki ku “Kutaza Evangeli!” Kono luna lufa tupampili, libuka ze zwa kwa Asbury, sibaka nyana sesinde se kwanu ili . . . Mulimu afuyole sicaba sani, koleji nyana yani yaba Methodist kwanu kwa Wilmore, Kentucky, ki iliñwi ya zende hahulu, za moya, libaka nyana za mwa lifasi, Na sepa, ka nako yee. Ki sicaba sesinde.

⁹⁰ Mi Ne ni zwa kwa . . . Ni libezi . . . Ne li Rhodesia, kono ha Ni zibi libizo la tolopo. Billy, kana wa li hupula? [Billy Paul uli, “Salisbury.”—Mu.] Salisbury, yeo ki niti, New Salisbury. (Ki yena kupuzo yaka.) New Salisbury, Rhodesia. Mi ne lusweli kuzwa kwa Rhodesia ki ha Ni bona situpa sa America hane lu pahama fulai, mushimani ni basizana ba balalu. Mi se Nili . . . naya ku bona, Se nili, “Mulumele foo.” Se nili, “Ni bona kuli muna ni situpa sa America.”

Ki hali, “Wa bulela Sikuwa.”

Se nili, “Eeni,” Se nili, “Ni—Ni mu American.”

Ki hali, “Kihande, ki nto yende.”

Se nili, “Kana wa funduka ni wena.”

Mi ali, “Kutokwa, lu babuleli ba linzwi.”

Se nili, “Oh, ha ki bunde ni boo!” Se nili, “Ki tabo luli ka kukopana ni wena.” Mi se Nili, “U zwelela kai? Keleke mañi, kamba una ni kopano, kamba mwendi uya lukuluhile feela?”

Ki hali, “Batili, lu ba Methodist. Lu zwa kwa Wilmore, Kentucky.”

Se nili, “Ki kwa mulaho wa ndu yaka fela, kwa hae.”
Se nili . . .

Yena ali, “Ha u lukeli kuba Muzwa Branham yapila kwani?”

⁹¹ Se nili, “Eeni, sha. Yeo ki niti.” Mi seo—seo sa mu alafa ka yona nako yani. Mwa bona. Na si ka bulela sika hape. Mi Na—Na bona mubonelo wa na ngile, a talima basizana bani, ba talimana yomuñwi ni yomuñwi sina *cwalo*. Se nili, “Fa nako yelikani fela, mushimani.” Na si nto isili kwanda kuba fela mushimani. Mi se Nili . . . mi basizana. Mi se Nili, “Ni tabela ku ambola ni mina kaufela fa muzuzu fela ka mayemo a Bukreste, kaufela luna lu cwalo, mi luteni fa bakeñisa mulelo o swana. Ni bata ku mi buza mina basizana babalalu ni mucaha alimuñwi, ‘Kana mwakona ka Libizo la Mulena Jesu . . .’ Mu bulezi kuli se mubile kwanu lilimo zepeli. ‘Kana mwakona kusupa munwana fa moyo ulimuñwi o mu tizize ku Mulena? Moyo ulimuñwi?’” Ne ba sika supa. Kutokwa nihaiba moyo omukana.

⁹² Se nili, “Ha ni bati ku filikanya maikuto a mina, batili sha.” Mi se Nili, “Na itumela ka ze musweli kueza, kono mina basizana mu lukela kuba kwa malapa inge mutusa bo maa mina kutapisa mikeke. Yeo luli kona swanelo. Hamuna musebezi kwanu. Yeo ki niti.”

⁹³ Mi hakuna mutu yana ni musebezi wa kuya mwa masimu ha si ka amuhela kale Moya o Kenile ni kukutaza mata a liponahazo, kakuli kona nto inosi fela ye—ye ka zamaisa sicaba sani. Mi hamutalime cwale mifilifili ye mutisize cwale ni lika kaufela, ki kuli Evangeli ya niti ha isika kutazwa ku bona. Li filwe ku bona mwa buino bwa linzwi fela. Kihande, mwabona mo siinezi? Yeo ki zwelopili ya—ya ya “balehile” ba lusika lwa Luther, kone li file lifasi tukuluho ya sicaba, yeo ki niti, kamba Bibeke ya mahala.

⁹⁴ Cwale, cwale lusika, lusika lolutuna. Cwale, ha lu kaliseni cwale, Ni lumela kuli lu fa . . . Yani neli tumeliso, timana yabu 7. Kufita . . .

. . . uñolele ni kwa . . . *Filadelfia uli; Ki ze za bulela ya kenile, wa niti, yana ni sinotolo sa Davida, ya kwalulula, ku si na ya ka kwala; ya kwala, ku si na ya kwalulula;*

95 Ha ki pulelo ni yeo! Nji cwani? Ni—Ni ka kuta ku seo fa muzuzu fela, kakuli ki—ki nto ye zamaelela mwa butungi bwa Mañolo mo.

Ni ziba misebezi ya hao: bona, Ni kwaluluzi fapila hao sikwalo, se kusina mutu ya kona ku si kwala: kakuli una ni mata nyana, mi u bulukile linzwi laka, mi ha u si ka latula libizo la ka.

96 Cwale, cwale mutalime fa—fa nako yetaha cwale, kasamulaho wa muzamao omutuna o no hasani mwahala linaha, wa lilato la sizwale, kuli bange ze ne ba nani. Hakuna ze ni nyaza ka zona, ka za libuka ni zeñwi kaufela, mwa libaka ze shutana, za lifasi. Cwale, keleke ya likopano ya kutela kwa misebezi ya lituto za likolo hape. Mwabona, kukutela kwa mulaho.

97 Kasamulaho wa kutomiwa kwa kopano yetuna, Jesu atoma “sikwalo se si kwaluhile.” Kasamulaho wa lusika lwa ba ha Wesleyan ha se lukeni mwa keleke ya ba Methodist ha ne se lutomilwe mwa lifasi, ba ba ni mibisi, mane kuhula, kueza keleke yetuna yeliteni ni kacenu, iliñwi yetuna hahulu ye, mwahala likeleke za Baipanguli, mi ka nako yani, nto yene ngile sibaka ka linako zani, neli, Jesu yana tomile “sikwalo se si kwaluhile” kwa keleke ba si ka kena kale mwa lusika lwa Laodesia.

98 Libaka le Ni bulelela taba ye cwana, ki kuli mukone kubona se Ni talusa ka kutatamana. Mwabona? Li zwelezi mwa lusika lwa babuleli ba sikwalo. Kono, mwa bona, Na sa—Na sa ba bulelezi kuli Na sweli sinotolo sa Davida ni zeñwi cwalo. Kono fa U bulelela kuli Na tomile fapila keleke cwale; kuya ka lusika lwa babuleli lwani, ni Whitefield, mi—mi ni babañwi bani kaufela, ni Finney, ni Sankey, ni Moody kutaha ona cwalo (Moody ka kuba alimuñwi wa ba kwa mafelelezo.) atofita cwale fa Na tomile sikwalo se si kwaluhezi kwa keleke. Oh, fa kona fo mulukela kutokomela cwale. Fela ki mwahala lusika lwa Filadelfia ni Laodesia, kutatamana.

99 Jesu ki yena Sikwalo! Cwale, haiba mu ka apula hamoho nina mwa Joani 10:17. Ha lu tamahanyeni se cwale, lubone kuli. . . Buñata bwa mina mu ka lumela. Mi cwale yomuñwi uka bulelela kuli, “Kihande, Na—Na li kuba. . . Na bulezi fela cwalo.” Ni tabela ku ibala. Joani, kauhanyo yabu 10, ni timana yabu 17. Joani 10:17. Ku lukile, lu bala Manzwi aa. Mu ni swalele, Joani 10:7, isiñi 17.

Mi Jesu a ba bulelela kuli. . . Kaniti, niti, Ni li ku mina, Kina sikwalo kwa mulaka wa lingu.

100 Seo ki kwa mulaho mwa limbuyoti. Lu kena cwani ku Krete? Ki sikamañi Sali sona? Mulaka wa lingu. Ne ni komokanga ka zona, “Sikamañi? Kana Ukona kuba Sikwalo, inza li mutu?” Cwale, mwani mwa—mwani mwa linaha za kwa upa, Na fumana cwana zazi leliñwi Na lemuha kuli mulisana, ka nako ya busihu, u kenya lingu kaufela mwa mulaka, ku li kenya

ka sikwalo. Mi cwale ha sa li kenyize kaufela zona mwahali, wa libala kaufela zona kubona haiba kaufela likeni mwahali. Mi kipeto yena ulobala mwa munyako, yena luli. Hakuna ze kona kutahela lingu, kamba kuli nihaiba ngu iliñwi izwele fande, kusina ku mu tula. Kacwalo Jesu Sikwalo, mwabona, mwa mulaka.

¹⁰¹ Mi ne Ni kwezi mota yenyinyani ye bizwa British jeep, mi se Ni bulelela mulikani, se Nili, “Bani ki. . .” Balisana ba tahanga mwa muleneñi, ni kuliza pindo, mi mañi ni mañi a hata fa mambuleki, ki ha Ni hupula kuli, “Ki butata mañi?” Mi neli mulisana yana zamaya mwa tolopo ni lingu za hae.

¹⁰² Cwale, kwani kwa Upa, ha ku swani sina kwanu. Ba lobaza libyana za bona fande—fande bukaufi ni libaka za musika. Mi kuna ni ma apule ni litolwana zeñwi, mi ki miselo ya mufuta mañi, mi magilepu na beilwe fela hande, inge abeilwe fa mabala sina cwana, kuisa fafasi. Mi ufi ni ufi wa balekisi uyema fani ni kulika ku mi hohela kwa ku to leka miselo ya hae ni lika zeñwi.

¹⁰³ Kihande, mulisana yo, akala kuya cwalo ona mwa mukwakwa. Se nili, “Muzwale, fa kona fo ne kukalezi musunga, Ni ka yema ni kutalima se.”

¹⁰⁴ Mi muzwale ali ku na, “Uka komoka, Muzwale Branham. Tokomela.” Lika kaufela za yema. Mulisana akena mwahali, kusina kuisseza kwateni ngana, ngu ifi kaufela inge imu latelela. Ku mu latelela! Haiba na mbambala ni kufetuha, kaufela. . . lingu mwa mulaho wa hae za mbambala, yetatama ya mu latelela, yetatama ya mu latelela, kulatelela ona cwalo ni kufetuha.

¹⁰⁵ Oh, cwalo kona mo lu latelelela Mulisana! Yeo ki niti. Inze aya a zamaya mwa nzila yani ku yonga sesiñwi kwa mafelelezo, mi lingu zani inge li mu latelela inge nja. Ne li talimela fa libyana zende zani, kono za latelela mulisana. Oh, Na lata cwalo! Mwa bona. Se nili, “Oh, muzwale, Ni lakaza kuli kambe ne Ni ka ambola mushobo wo, Ne ni ka kutaza ka ona cwale.” Ki fo he cwale. Eehe, na—na si ka fetuhela kwa silyo kamba nzohoto, kono muinele hande kwamulaho wa mulisana.

¹⁰⁶ Seo kona se i ezize Keleke ku yo punya ni kafoo, kuina kwa mulaho wa Mulisana, Moya o Kenile o lu isa kwa Bupilo Bobusafeli; ha ki kutaha kakuli ye ki keleke yetezi lipalisa, mi yo una ni sa *kuli-ni-kuli* madokota babañata ni wa *kuli-kuli* cwalo, kono ki kuinela hande mwa mulaho wa Mulisana. Kaufela ko kuya Mulisana, lingu za latelela, “Lingu za ka liutwa Linzwi la Ka, mi muzamai halina ku mu latelela.” Yeo ki niti. Na. . . Mulisana yani u ziba kulila ni kaufela liezanga lingu zani.

¹⁰⁷ Mi ha lu yo zwela kwande a munzi, neli nto yetabisa, Na bona—si simu kwande kwani mi muuna yomuñwi inge a lobezi, mi nebana ni li tonki, ni likomu, ni likulube, ni lingu, ni lipuli, ni

sesiñwi kaufela kwande kwani. Mi se Nili, “Kihande, batu bani ki bafi kwande kwani?”

Ki hali, “Balisana.”

Mi se Nili, “Mulisana u lisa litonki?”

Mi ki hali, “Eeni, sha.”

Kihande, Se nili, “Ne—Ne ni hupula kuli mulisana utalusa fela wa lingu.”

¹⁰⁸ Ki hali, “Batili. *Mulisana* ki ‘mutokomeli, mufulisi.’ Mi mwa matakanyani baba biza kuli ‘bashimani ba likomu’ mi—mi ni zeñwi ze cwalo.”

Se nili, “Oh, Na bona, mulisana ki mufulisi.”

“Eeni.”

“U tokomela mitapi ya hae.”

¹⁰⁹ “Yeo ki niti.” Ki hali, “Nto yenca ki ka nako ya busihu, fo uinzi . . . ki nto ye komokisa. Wena ka kuba mukutazi, kihande, Na kona ku mi bulelela nto yeñwi.” Ki hali, “Ha kutaha nako ya busihu. . . Ki niti u lisa yeñwi ni yeñwi ya zona, u li isa kafa ni kafa ni kubona kuli liba ni lika zende mwahala musihali. Kono cwale ha ku taha nako ya busihu za . . . kaufela za—za limule ni litonki hamoho ni—ni likamele, ni kaufela za nani, li siyala mwa simu. Kono u kopanya lingu ni ku likenya mwa mulaka.”

¹¹⁰ “Oh,” Se nili, “Mulena, ni eze ngu, kaufela So eza!” Mwabona? Kakuli nako ya busihu ha itaha, Ni bata kuya mwa mulaka wa lingu. Ni kene mwa Sikwalo, kutaha ka Sikwalo. Joani 17:7 mo, kamba—kamba Na ize, “Ki na . . .” 10:7, nitaluse, Na ize, “Ki na Sikwalo kwa mulaka wa lingu. Kaufela babatile fapila Ka ki masholi ni malengwami, kono lingu ne li si ka ba utwa. Kina Sikwalo, ka Na haiba mutu akena, uka piliswa, mi uka kena aipumanele mafulisezo amande.”

¹¹¹ “Cwale, Ni tomile fapila keleke ye, mwahala lusika lwa Filadelfia ni lusika lwa Laodesia, sikwalo se si kwaluhile.” Oh, mwa utwa cwale nji? Mi amutine likuwani za minahano ya mina cwale ka kutiisa nyana? Muteeleze cwale, se ki sesinde. Na mi bulelela, ki Linonsi mwa Licwe, ki ku comola fela litolwana ze munati ni ku li monyeha hande. “Kina Sikwalo kwa mulaka wa lingu!” Neli Sikwalo mañi sene si tomilwe sani, cwale?

¹¹² Ha lu kuteleni mwa minahano ya luna. Mi kuzwa mwa lusika lwa babuleli lolutuna lwani lwa ba Methodist, lo ne lufitile mwa naha kaufela ni liñusa la kukeniswa. Luther ka kubeiwa ya lukile. Wesley ataha ni liñusa la kukeniswa. Mi kwa mafelelezo a lusika lwa ba Methodist, kwa mafelelezo, ha ne lu kalile kutaha mwa kopano yetuna. Mi cwale keleke ifi kaufela . . .

¹¹³ Cwale ha muteeleze, zeo li fosahalile. Kono Ni bata kuli yomuñwi ani bonise kai kaufela mwahala kualunguta kwa litaba za kale. Keleke ifi kaufela ya na zusize Mulimu, kukala ka

mukwa wa Pentekota kusina kopano ifi kaufela; mi haibile fela ne itilo onga ongiwa, ya shwa mi ha isika zuha hape. Oh, nyangela ya zwelapili cwalo, kono ne ba tokwile ancafazo. Ancafazo ya Luther yali kuba izuhe fateni, mane ni yona ancafazo ya ba Methodist yali kuba izuhe fateni, ni yona ancafazo ya ba Pentekota haina kuzuha ni kamuta. Batili, sha. Ne ba iongaongile, yeo Mulimu na bulezi mwahala masika a likeleke, U “toile nto yeo,” ili tuto ya Manikolai.

¹¹⁴ Cwale, muhupule, ha lu nyazi mutu cwale. Sicaba sesinde si hasani kai ni kai. Lingu za Mulimu liteni mwa libaka kaufela zani. Yeo ki niti. Yeo kona niti. Ba Methodist, Baptist, kaufela seo bali sona, ki sicaba sa Mulimu haiba ba pepilwe sinca ka Moya wa Mulimu. Ki sicaba sa Mulimu, kono likopano li ba wiselize fafasi. Ni ku amuha liñolo kuba Methodist kuba Baptist ku ba Campbellite, ni babañwi cwalo, kufitela ba—ba lwala mañolo mwa sibaka ni sibaka.

¹¹⁵ Ku lukile, ka mwa na bulelezi Mulena cwale, kwa mafelelezo a lusika, “Kina Sikwalo sa mulaka wa lingu.” Cwale, ki sikwalo mañi se ne si kwaluhile ka za Jesu, mwahala masika amabeli fela a? 1906, bukafi ni lusika lwa Methodist mi—mi—mi Dwight Moody ni babañwi bene ba se ba shwile, kwa taha sicaba sene si amuhezi Moya o Kenile, kubulela ka malimi ni lika ze kutezi mwa keleke. Zeo li lukile, bukafi ni 1906, mwahali mwani.

¹¹⁶ Ku lukile, ki sikamañi se ne singile sibaka kasamulaho? Kasamulaho wa fani kwataha, nto yapili mwa ziba, ba to ongaonga Katengo Kakatuna kene ka keni ku zona, cwale ba bizwa kuli Assemblies of God. Mwabona, kuzwa mwa keleke yani yene tatami. Mi ki sikamañi sene si ezahalile? A toma sikwalo se si kwaluhile, ki “sikwalo se si kwaluhile.”

¹¹⁷ Cwale ha lu baleñi fateni fela cwale, mu li lemuhe linzwi ka linzwi ona cwalo fela Mwa litiseza. Mwabona, “Bona . . .” Ha lu boneñi:

. . . kusina mutu yakona ku kwala; . . .

. . . ni beile sikwalo se si kwaluhile, . . .

¹¹⁸ Mi kwa neku leliñwi:

Ni ziba misebezi ya hao: bona, Ni beile sikwalo se si kwaluhile fapila hao, mi hakuna mutu yakona ku kwala: . . .

¹¹⁹ “Ki sikwalo se si kwaluhile.” Ki sikamañi seo? Ne li sinulo ye pahami ya Bulimu bwa Jesu Krete: isiñi kuba mutu wa bubeli mwa silaalu sa bumulumu, kono ka kuba Mulimu yena Kasibili ya na ezizwe nama ni kupila mwahala luna. Mi sinulo . . .

¹²⁰ Cwale, haiba mulemuha, fa muzuzu fela, ha lu baleñi fela fapata nyana:

. . . ku kwala: . . . una ni mata nyana, . . . mi ha u si ka latula libizo laka.

121 Nako ya pili Libizo ha li bulelwa cwale mwa lusika lo kwa mulaho *kwanu*, lwa latehisa Libizo la lona; mi Luther a taha ni libizo la kuli wa pila, mi na *shwile* (ki niti Yeo?), “Ndate, Mwana, Moya o Kenile.” Se kutaha ba Libizo la Jesu hape, mwahala masika amabeli *aa*. Mwahali, a “sikwalo se si kwaluhile.” Cwale, ki sinulo: sa Na li sona, kona kuli Bulimu, sinulo ya Bulimu bwa Hae.

122 Cwale, sani kona sa Na patuluzi kwa lusika lwapili lwa keleke. Cwale amutalime. Sina Joani ha na mu boni inza yemi, malambi a sebene a gauda, mi Na yemi ni mazoho a Hae mwahalimu. Ki ye fa lambi yapili, yabubeli, yabulalu, yabune, yabuketalizo, yabusilezi, yabusupa, ni mazoho a Hae mwahalimu mwa siswaniso sa sifapahano. Mi ali, “Kina Alfa ni Omega.” Ka manzwi amañwi, “Ni kaba yapahami kwa makalelo, Ni kaba yapahami kwa mafelelezo.” Maseli a pazulela kwa Upa ni kwa Wiko. Ibile ku lelekiwa, nako ya lififi, kono “Ku kaba Liseli mwa nako ya manzibwana.” Ona mata a swana a Evangeli ana pazuzi *kwanu* kwa neku leliñwi la Upa, a monyehile ni kwa neku leliñwi la Wiko, “Alfa ni Omega, Kina A hape Kina Z.” Mwa mazoho a Hae! Mwa utwa kana?

123 Cwale, ki sikamañi sa Na ezize mwa kauhanyo ya 1 ya Sinulo? A patulula Bulimu bwa Hae bo bupahami kwa keleke yapili, Efese. Kana ku cwalo? Kihande, cwale amulemuhe. Yeñwi ni yeñwi ya likeleke ze zetahile mwateni mo, Na ipatulula Iliyena mwa Bulimu fela mwa mufuta wa Hae ofilwe kanya; kono haili ku ye ya mafelelezo, U ba Z, ku kutela kwa simuluhlo hape. Mwabona, “Wapili ni wa mafelelezo.” Lusika lwa pili, cwale ki lwa mafelelezo, kakuli Na ize, “Kina wa pili ni wa mafelelezo.” Mi . . .

124 Kono mu li, “Kihande, ne si ezahalile cwani sani? Ki mutu mañi ya na ngile sani?” Ne li sinulo! Buñata bwa mina mwahali mo mu i amuhezi, kakuli za Hae- . . . Ni ka bulela nto yeñwi cwale. Amutalime! Keleke ya Hae kakutala iyahilwe fa sinulo ya Bulimu bwa Hae kasibili. Yeo ki niti? Haiba ha mu lumeli cwalo, ha lu apuleni mwa Mateu 16:18, mu ka bona fa muzuzu fela kuli sinulo kaufela iyahile ku Yena kasibili. Keleke ya Hae kaufela iyahilwe fa sinulo ya Hae kasibili. Cwale ha lu kaleleni fa . . . Ha lu kaleni . . . halu, mwendi fa timana ya 14:

Mi se bali, *Babañwi ba li. . . ki wena Joani Mukolobezi. . .*

Pu—puzo neli kuli, Jesu naize:

. . . fa *likamba la Caesarea Philippi*, mi *abuza balutiwa ba hae, ali*, Kimañi, *yoo batu bali. . . Kina mañi na nili Mwana mutu?*

Timana ya 13, mi yeo ki 16:13 cwale.

Mi se bali, . . .

125 Cwale amutalime, ki se fa sibaka sapili kwa keleke seo Jesu na si ka bulela fateni, mi ni...kukena mwa Sinulo ya mafelelezo.

Mi ki hali, Babañwi ba li...ki wena Joani Mukolobezi: mi babañwi ba li, Elia; ni babañwi, Jeremia, ni babañwi...ni—ni...kamba alimuñwi wa baplofita.

A li ku—ku bona (kaufela, sikwata kamukana sona), Kono kana mina muli ki Na mañi?

Mi Simoni Pitrosi a alaba mi ali, Ki wena Kreste, Mwana Mulimu yapila. (Oh, mawi!)

Mi Jesu a alaba mi ali, Ufuyozwi wena, Simoni—Simoni Bar-jona:...nama ni mali hali si ka ku patululela seo, kono ki Ndate ya mwa lihalimu.

126 Oh, mawi! “Ha u si ka amuhela se kuzwelela mwa sikolo sa bukutazi. Nekusina mukwa o no ka zibela se ka ona, Simoni, mwana Jonasi; nzila fela inzosi yo lemuhile cwalo ka yona, neli ka sinulo ya moya ye patuluzwi ku wena kuzwa kwa Lihalimu kuli Kina Yena.” Jesu ali, “Ha mu sa Ni lumeli kuli ki Na, mu ka shwela mwa libi za mina. Kina Yena!”

...Ni li...ku wena,...ki wena Pitrosi,...fa licwe leo Ni ka yaha keleke ya ka; mi minyako ya ba ba shwile haina ku ikoma.

127 Ki sikamañi Seo? Za moya! Za moya! Za Niti ya moya! Linzwi la Mulena!

128 Cwale, lu fumana kuli mwa sinulo tuna ye yana file Mulimu kwa Keleke, mwa mazazi a maungulo aa, yana lumile Mulimu ni ku ipatulula Iliyena kuba “Sikwalo se sikwaluhile” *mwahala* masika amabeli. Ne si mwa—mwa lusika lwa Laodesia, kamba nihaiba kuba mwa lusika lusili *loo* (lusika lwa ba Filadelfia), kono neli *mwahala* (kutatamana) kakuli ma...Ni ka li bonisa kushetumuka nyana, mi mu ka utwisisa, mwa bona. Lu ka li bonahalisa hande, kuli musike mwa palelwa ku Libona, haiba fela mu bata ku Li bona, mwabona. Ku lukile.

129 Cwale, sinulo ya hae Kasibili kona Fa yahile Keleke ya Hae. Ki ba bakai ba baziba kuli yeo ki niti, cwale? U yahile Keleke ya Hae fa sinulo ya hae Kasibili. Ku lukile. Cwale ki sikamañi sa Na bulezi? “Hakuna mutu ya kona ku si kwala!”

Ni ziba misebezi ya hao: bona, Ni beile fapila hao sikwalo se si kwaluhile,...

130 Ki sikamañi “sikwalo se si kwaluhile”? Sinulo ya Bulimu bo bupahami bwa Jesu Kreste! Ki sikamañi sa Na bulezi kwa Keleke ya Hae yapili kwanu, kwa mulaho mwa lusika *loo*? Na ize, “Kina Yana liteni, ya teni, ni ya ka taha! Kina wa pili ni wa mafelelezo! Kina Yamata kaufela!” U bulezi linako zetalu zeshutana, aikeza Iliyena Bulimu kwa keleke ye *fa*; A si ka ya kale kwa lusika lwa mafelelezo, Na ize, “Ni beile fapila hao

sikwalo se si kwaluhile.” Haiba ubata kubona Sinulo, ki Ye faa, fa Na ka yaha Keleke ya Hae. Mi nzila fela ya Na ka nga Keleke ya Hae, ki ku kuta kwa sinulo ya Seo ali sona. Kitini!

¹³¹ Amutalime! Fani Abrahamama ha itama, kamba Mulimu haeza buitamo ni Abrahamama, zazi lana bulezi kuli, “Kana lika ze likaba cwani, ka kubona kuli se Ni supezi? Mi muluwi w aka fela ki—ki mutanga yazwa kwa Damaseka ye Ni nani fa, Eliezare.” Ali, “Ni hulile, mi U ni sepisize mwana. Zeo Uka li eza cwani? Li ka ezahala cwani?”

¹³² Mi muhupule kuli na ilo lobala, buloko bo butuna bwa mutahela sina mutu kaufela mwa ezeza; lifu. Mi cwale a talima, fapila hae nekuna ni—ni ondo yetunya musi; muezalibi kaufela u swanela kuya kwa lihele. Na sa bulaile komu (ya sitole), puli ya musali ni totolo, ni liiba ni nkwilimba. Na si ka pazula liiba ni nkwilimba. Mi cwale Liseli nyana le lisweu le laya cwalo, ni ku kuta kwa mulaho ni kwapata mwahala liemba za lifolofolo ze ne pazuzwi fahali, kupaka buitamo ku Abrahamama.

¹³³ Cwale, mwa Japan, haiba kuna ni mu Japanese mo, mwa ziba mo ba ezezanga buitamo kwa Japan? Ba yumbelanga lizwai ku yomuñwi ni yomuñwi. Banga kazwai nyana mwa botela, ni kuina fafasi, ba ambola, “Kikuli uka eza sa *kuli-ni-kuli*?” “Eehe, Ni ka eza sa *kuli-ni-kuli*.” Mi kona ba eza buitamo ni kunga lizwai ni ku liyumbela ku mañi ni mañi, kakuli lizwai litusa kwa kusileleza lika, mwabona. Ku lukile. Ba posaka lizwai ku mutu ni mutu, bwani kona buitamo.

¹³⁴ Mwa America, mo lu ezezanga buitamo kwanu, lu bulela kuli, “Kihande, kana uka eza sa kuli?” “Na ni ka eza sa kuli.” Mi nto yapili mwa ziba, lwa swalana mwa mazoho ku itumelisa, “Ku itumelisa!” Mi boo kona buitamo.

¹³⁵ Kono, mwa linako za kale, mo ne ba ezezanga buitamo, ne ba ñolanga litaba zeñwi. Mi ba ñola tumelelano, ni ku bulaya folofolo, mwa nako ya Abrahamama. Ba pazula folofolo yeo fahali ni kuibeya mwahali inge ba yemi; bañola tumelelano ye, mi ba ipazula sina *cwana*. Alimuñwi unga siemba sesiñwi, mi yomuñwi unga sesiñwi. Mi kipeto banga buitamo kuli “mibili yabona ibe sina folofolo yeshwile ye haiba ba ka palelwa kubuluka tumelelano yee.” Mi cwale nzila inosi fela yeo tumelelano ye ikona kuba . . . Hamukoni ku ikopisa ka buhata. Ina ni kutaha ka kuswana ni nto yeswana, ku ikopanya hamoho.

¹³⁶ Cwale, ki sikamañi sa na bonisa Mulimu ku Abrahamama kuli kona sa Na ka eza? Kuli Na ka nga Peu ya Abrahamama, kukala ka Isaka kushetumuka ni ku Jesu, mi A Muisa fa Kalvari mi teñi a Mu pazula fahali. A pazula Moya kuzwa ku Yena, kuzwa mwa mubili, A zusa mubili ni ku u beya kwa lizoho la bulyo la Bulena bwa kwa Halimu, mi a luma Moya o Kenile kwa Keleke. Bwani kona bulikano bwa Mulimu, a Bu pazula fahali: luna ni Moya, Una ni mubili. Mi cwale ha U kutela kuba hamoho, Moya o no

li ku luna u kopana ni Yena sina Munyaliwa. Amen. Hakuna kopano ni yekana ye ne ikenyize ku Ona ni hanyinyani. Batili, sha. Ha u si ka zwakaniswa ni zeñwi, ki Kupepwa kwa Moya o Kenile. Ku felile. Bwani kona buitamo.

¹³⁷ Cwale, cwale lu fumana kuli Na ize, “Ni beile fapila hao sikwalo se si kwaluhile.” Mi Hanina taba kamba ku ka taha tutengo totukai twa ipangezi mutu, kamba likopano, mane nihaiba minyako ya sibaka sa ba bashwile haiba ku I koma. Ki nzila iliñwi fela ya ku fita fahalimwa Ona, kukena ku Ona. Ku felile. Hamukoni ku ikopanya ku Ona, kona kuli muna ni kupepwa ku Ona. Kulukile. Kona kuli hakuna mutu yakona ku tuhelisa Liñusa lani la Bulimu bo bupahami ni kolobezo ka Libizo la Jesu Kreste. Minyako ya sibaka sa ba bashwile haina ku I koma.

¹³⁸ Mu li, “U ziba cwani kuli I lukile?” Ki ku zamaelela ni Linzwi, mi hakuna mutu yakona kubulela sika ka Yona. Luli! Ki Linzwi. Hakuna sibaka ko kuna ni mutu yakile a kolobezwa ka libizo la “Ndate, Mwana, ni Moya o Kenile.”

¹³⁹ Muhalalehi yomutuna Paulusi, lona lingeloi la kwa Efese, na laezi mutu kaufela ya si ka kolobezwa, hakuna taba kamba no kolobelizwe cwani, haiba no si ka kolobezwa ka Libizo la Jesu Kreste, na laezi kuli utahe mi ukolobezwe sinca hape ka Libizo la Jesu Kreste. Mi ali, “Haiba lingeloi lelizwa kwa Lihalimu litaha ku to luta nto isili fela, yo abe anatema.”

¹⁴⁰ Kona kuli mwabona lingeloi le litile mwa lizazi la maungulo lee, ki Liñusa la mufuta o cwani la kaba ni lona ha taha. Lwakona ku li isa ku yena. Kono Na mi bulelela, ha ka taha, uka to kutaza kolobezo ka Libizo la Jesu Kreste. Haiba ha mu lumeli cwalo, mutahe kamuso busihu mi ni ka mi bonisa mwahala Mañolo. Luli uka eza cwalo! Mi ni mupato wa mwa pilu, ni limakazo za Bumulimu, ni misebezi ye mata inge fela ye ne ba bani ka Lizazi la Pentekota. Yona Mbuyoti luli ya makalelo ya Pentekota ika tahela bo masiyaleti ba balikani bani kuli ba ipahamise mwahalimu. Tumelelano yeo ikaba fela sina mo ne iinezi ha ipazuliwa ka nako ya pili. Oh, Na Mu lata! Ni tabezi hahulu, ni tabezi luli. Hani—Hani koni ku Li tatulula hahulu. Ni tabile hahulu kuli Ni kona kubulela kuli Ni alimuñwi wa bona. Ni tabile luli!

¹⁴¹ Ni lakaza kuli kambe mizwale yaka kaufela ibe cwalo. Ni lakaza fela kuli kambe mizwale yaka ni likezeli kwande kwani, balikani baka babande babali mwa lifasi, kuli ba bone lika zetuna. Ne—Ne—Ne ni ka tabela, Ne nika lakaza kuli, busihu boo, Mulimu u ziba cwalo. Nina ni mushimani yomunyinyani, Joseph, ye ni babalela; ni musizana yomunyinyani, Sarah ni Rebekah; mi ni musala ka ya lateha yo Ni toile ku siyanga; kono haiba Ni ziba kuli mizwale baka kwabus-. . . sicaba se Ni ziba mwa lifasi le, ha ne ba ka amuhela Seo ni ku Si lumela, mi ba

tazwe ka Moya o Kenile, Ne ni ka itukisa ku ya ka nako ya cwale. Yeo luli ki niti. Mwabona? Oh, haiba Ne ni ka kona. . . mi ha ukoni. . . Haiba u bulela ka kuiketa, ba nahana kuli u sweli ku ba hapeleza nto yeñwi. Mi—mi kuna ni fela nto iliñwi ya kueza, yeo ki kuina fela ni Linzwi ni ku li nwelisa hande fafasi. Mi yeo luli kona niti, mupile hande ni Yona. Oh, mo Ni Mu latela!

142 Sinulo ya hae Kasibili, Bulimu bwa Hae bo bupahami. Sikamañi, kikuli Na li ezize? Ha ni koni fela li I siya, mo ku bonahalela. U li patuluzi mwa keleke ya Efese. Kana ku cwalo? Mi fani neli Liseli ha li to bonahala kubenya lwapili, Liseli la Bukreste. Kana ku cwalo? Lusika lwa Moya o Kenile ne lu kalezi ona mwa Efese mo.

143 Mi mupolofita a li, “Ku ka taha lizazi le li si ke kuba busihu kamba musihali, kono ka nako ya manzibwana Liseli lika kuta hape.” Mwa li bona nji? Mwabona. Mwabona, lizazi la mbundu lee, lika taha cwalo, ze kaufela faa za mbundu (tutengo ni lika zeñwi kaufela); kono mwa mazazi a maungulo ona aa *kwanu*, kwa neku la kwanu Uka toma munyako o kwaluhile. Jesu naize, “Kina Sikwalo seo.”

144 Kana mu Mu utwile ha bulela kuli, “Kina munyako. Kina nzila, ni Niti, ni Liseli?” Mwabona? Kana mu Mu utwile ha bulela kuli, “Munyako wa kumbama, mi nzila ki yesisani?” Kana mu lemuhile *kukumbana* kutwani mo kuñolezwi? K-u-k-u-m-b-a-n-a, mezi. *Kukumbana* kutalusa “mezi,” ipeletelwa ona cwalo. (K-u-n-a-m-a, mwabona.) *Kukumbana*, “Mezi kona nzila. Mi mezi ao kona nzila, mane nzila yateni ki yesisani.” Mezi ki sikamañi? Ki munyako, ki sikwalo. Mwabona, sa ku kwalula. “Ka Libizo la Mulena Jesu kona nzila, ka mezi. Munyako wa kumbana, nzila ki yesisani, kuli. . .” Jesu. . . “Mezi kona munyako, ka Libizo la Mulena Jesu, kukena mwahali.”

145 “Mubake mañi ni mañi wa mina mi mukolobezwe ka Libizo la Jesu Krete kwa swalelo ya libi za mina mi mu ka amuhela, hamunze mutalimela kwa Kalvari, mpo ya Moya o Kenile. Kakuli sepiso i kumina ni kwa bana ba mina.” (Babañwi ba bona bali, “Kwa baaositola feela.”) “Ku mina ni bana ba mina, ni ku babali kwahule kaufela, mane ni babañata be Mulena Mulimu wa luna uka biza.” Ku—ku felile. “Babañata bao Mulena Mulimu wa luna uka biza.” Sepiso iku mutu kaufela, haiba uka taha ka mukwa o swana mo u ñolezwi munwelo wa mulyani. Yeo ki niti.

146 Musike mwa li, “Kihande, Ni ka sikuluhela neku le.”

147 Nekuna ni muuna yomuñwi nako yeñwi yakile a telela, mwa ziba, mi akena mwa nzila isili. Kana mwa ziba cwalo? Kana mukile mwa bala fateni nguli yeo? Nekuna ni muuna yakile a telela ni kukena mwa nzila isili. Cwale, mwa linako za kale, hane ba—ba inzi mwa mulalelo wa linyalo. . . Lu ka linga kakusasana: kwa Mulaleo wa Sinawenga, muuna yani na keni cwani mwateni. Lu ka lika, lukanga zeo kakusasana. Ne ni ka si bulela cwale,

kono Ni ka si tuhela fela. Ka kakusasana: muuna yani mwa na kenezi mwa sibaka sani sa Mulalelo wa Sinawenga. . . kamba, kwa Mulalelo wa Sinawenga.

148 Ku lukile, “Munyako wa kumbana, nzila ki yesisani.” Nzila ki ya mezi, makenelo a kuya ku Mulena Mulimu.

149 “Ni beile sikwalo se si kwaluhile. Nina ni linotolo. Kina fela yakona ku si kwalula, Kina fela yakona ku si patulula, Nina ni linotolo.” Kana ku cwalo. “Hakuna mutu yakona kutaha ku Na konji kuli Ndate A mu bize, mi kaufela ba Ni file Ndate baka taha ku Na.” Hakuna mutu yakona kupiliswa konji fela ka Jesu Kreste. Isiñi ka keleke ifi kaufela, ka kopano ifi kaufela, bishopu ufi kaufela, pope, ki ka Jesu Kreste fela. Ki yena yana ni linotolo, Ki yena fela anosi yakona. . . Linotolo za sikamañi? Davida, Mileniamu ye sa taha kwapili fa ka Yo ina fa lubona lwa Davida. “Nina ni linotolo za Davida, Ni ka kwalula sikwalo se mi hakuna mutu yakona ku si kwala. Hakuna mutu yakona ku si kwalula konji Na, mi hakuna mutu yakona ku si kwala konji Na.”

150 Ku konahala cwani? Mutu ukona kuziba cwani kuli ki Yena Kreste kwanda kuli A ipatulule Iliyena ku yena? Mwabona, Wa ipatulula Iliyena, Una ni sinotolo. Wa kona ku si kwalula kamba ku si siya fela ona cwalo. Mwabona? “Nina ni sinotolo za sikwalo. Kina Sikwalo. Kina Nzila. Kina Niti. Kina Liseli.” Oh! “Kina Alfa. Kina Omega. Kina wa Pili ni wa Mafelelezo. Kina Ndate. Kina Mwana. Kina Moya o Kenile. YALITENI! Isiñi Na ‘yanaliteni’ kamba ‘yakaba teni.’ YALITENI, yana—yana bulezi lika kaufela. KINA YALITENI, isiñi Ne ‘niliteni’ kamba ‘nikaba teni.’ KINA YALITENI, seo sitalusa kuli ‘Kuyakuile kokupila.’ Mwabona, YALITENI! Kamita nanza liteni, kamita ukana abateni, Niteni cwale sina mo Ni nze ni bezi teni mi kamita nikana nibateni.” Mwabona, Yena—Yena ki YALITENI fela!

151 Nina ni linotolo za Davida za kwa mubuso, “hakuna mutu yakona ku sikwala.” Timana ya bu 7 ipaka cwalo, ku lukile, kuli Una ni linotolo za Davida, “Hakuna mutu yakona ku si kwala!”

152 Cwale ha lu boneñi nto yetatama kuli ki ifi, kapili:

. . . *kakuli una ni mata nyana fela, . . .*

153 Oh! Abulelela sikwata nyana se fa, “Una ni mata alikani fela cwale.” Seo sitalusa sikamañi? Kuswana fela sina mutu ya sa shwile, ha ka inyunga ili yena, kuli abe yapila, ku incaafaza nyana, kutaha kwa bupilo. Mu zwile mwa lituto za kale za litumelo zani ni lika zeñwi kaufela, mu se mutile kwa bupilo hanyinyani, ku inyunga iliwena, ka mukwa wa kuli u zuhe cwalo. “Una ni mata a likani fela, kono Ni tomile sikwalo fapila hao cwale.” Ha ne ba tilo zwa fela mwa—mwa bu Lutheran ni bupope, ni liswanisano zeñwi zani, mi—mi ni bu Methodist ni lika kaufela, Mi ali, “Ni beile sikwalo fapila mina, cwale una ni mata a likani, u ka eza sikamañi ka ona? Si beilwe fapila

hao, wakona kukena mwahali kamba kuzwela fande, mo batela kuezeka kaufela. Sikwalo sitomilwe fapila hao. Una ni mata a likani, usweli kutaha fela kwa Bupilo, kona u kalisa fela.”

¹⁵⁴ Kona mo ne kuinezi ni keleke yapili. Mulemuhe kwa mafelelezo a lusika lwa Laodesia, ayo kutela kwa kusebeza hape. Cwale haiba mulemuha fa hape, kwa—kwa kubonisa kuli keleke ye iyemi mwahala zepeli. Haiba mukena mwa lusika lwa Laodesia kwa mafelelezo a lona, kamba Lusika lwa Keleke ya Laodesia, “Ni ziba misebezi ya hao,” kwa mafelelezo a lusika lwa ba Laodesia. Kisikamañi seo? “Misebezi ya hao, ni ko kuinzi sipula sa Satani.” Neli sikamañi sipula sa Satani? Mwabona, ba kutela mwa kopano hape.

¹⁵⁵ Mina ba Assemblies of God, ni ba Pentecostal Oneness, ni ba Church of God! Oh, kana hamuboni nji, mizwale, se muezize? Mu kutezi hape kwa sika sa toile Mulimu, kufelisa sizwale. Amutalime ba Assemblies of God, babañwi ba sicaba sesinde hahulu mwa lifasi bateni ku ba Assemblies of God bani. Mutalime fa keleke ya ba United Pentecostal yani, ki batu babande fela ku bemukile mwa katana fateni mwa bupilo. Amutalime mwa Church of God. Mi bakeñisa ona likopano zani, ba kanana ni omana mwahala bona, mi inge ba ipiza kuli “siyaletu sa maankoli” ni “musima wa peba.” Kiñi, ki maswabisa!

¹⁵⁶ Nto iliñwi yatoile Mulimu ki “kucala twaniso mwahala mizwale.” Mi yeo ki niti. Mi zeo ki likopano ze ezanga cwalo, ba calanga twaniso mwahala mizwale. Lu swanela kuyemanga mwa pakani ni kubulela kuli, “Lu mizwale hamoho!”

Ha lu si ka kauhana,
Kaufela luna lu mubili ulimuñwi;
Balibañwi mwa sepo ni tuto, (Ki tuto ya
Bibele.)
Balibañwi mwa lilato.

¹⁵⁷ Na lata pina ya kale yeo, *Kwapili, Masole ba Sikreste*. Eeni, sha.

¹⁵⁸ Mafelelezo a ma Laodesia, ba kutela kwa misebezi hape, kamba likopano za Pentekota ha li kutela kwa kopano. Ha lungeni timana ya 15. Ni fitile fa, “Timana ya 15 mwa Sinulo 3.” Mi mubone haiba ha ku cwalo, cwale. Sinulo 3, mi—mi . . . kamba ha lu boneñi, Ni iñozi kulo faa. Sinulo . . . Oh, batili, batili, Ni—Ni fosize, timana ya 15. Ki timana ya 15 ya ona kauhanyo yeswana ye, yebonisa nto yeswana kulo fa. Eehe, uh-huh:

Ni ziba misebezi ya hao, kuli ha u bati ha u cisi: . . .

¹⁵⁹ “Ni ziba misebezi ya hao.” Kubonisa kuli ne ba kutezi kwa lika zapili hape. Ba kutela kwa mata a bona ni ku kutela kwa likopano za Pentekota. Ki timana ya 15 ya—ya kauhanyo yeswana. Ku lukile.

¹⁶⁰ Mwahala masika amabeli nebana ni mata nyana, mwahala masika amabeli a tuto ya Nikolai. Cwale, fani ma Lutheran kwanu ha ba ongaonga, ba kutela mwa bu Nikolai, ma bishopu babatuna ni babañwi cwalo. Mi kasamulaho kwataha Wesley, ba panga bishopu yomutuna wa Canterbury ni lika zeñwi kaufela zetuna, kaufela babali mwa likeleke ni zeñwi cwalo mwa—mwa lusika lwani. Mi cwale mwahala Mapentekota, ba kutela kwa lika zeswana hape, likopano za bona zetuna kaufela, tuto ya Manikolai. Kono mwahala masika amabeli aa U kwaluzi sikwalo ni kufa keleke mata a likani kwa ku ncaafaza konji hainyanganyisa toho ya yona, mutalime kwabuse ni kubona ko ne iinezi, munge sinulo. Mufetuhe, mubone nto ifi kaufela (ku natiwa, mwa ziba), mi nto yapili mwa ziba, yakala kunyunga toho ya yona ni kutalima kafa ni kafa ni kunyunga toho ya yona.

¹⁶¹ Ni bulele cwana, Ne ni sweli kulola ka busihu bwa maabani. Charlie, Na hupula kuli Ne ni kunupile kamale; na ka nonga fa mutai na ka wisa. Mi Na bona musali muhulu kwani. Oh, yana ni nyemezi inge a njanja, na na ni kutaha, kuto ni nga. Mi kamale ka nekana ni mubala o musweu mwa mulala. Mi kamale kani ne ka lobezi fafasi ni kunyanganyisa toho ya kona halalu mi ka ni talima, mi ka nanuha ni kuzamaya mo ne ka konela kaufela, kukena mwa mushitu hape.

¹⁶² Mwa ziba, mi musali muhulu yani hakulata na yemela keleke. Nji ha ku cwalo? Alika ku ni hata, Na mu siya naya kusili mo ne kuinezi. Mi . . . Kono, oh, ka liseli nyana fela, kono inge ni ziba kuli—kuli . . . Na ziba kuli Na matela mwa mukwakwa mi na bata ku ni lemakela kwani, mi Na sikulula Ford yaka kapili; neina ni sikocikala kwa mulaho wa yona, na ifetula, na ya ka nzila isili, kuli a si kea ni bona. A to fita fela fakaufi.

¹⁶³ “Cwale, una ni mata nyana a siyezi, kona kuli ubata kuitusisa mata ao kuli usikuluhele sifateho mwahala likopano zepeli.” Kikuli mu lemuhile? “Ba buluka Linzwi la Hae!” Mutalime timana yetatama cwale:

. . . una ni mata nyana, mi u bulukile linzwi laka, . . .

¹⁶⁴ “Ubulukile Linzwi la Ka,” cwalo kona mo ne ba amuhelezi mata a bona. Kona mo ne ba amuhelezi sinulo ya bona. Bona be ne basweli Bibebe nako ya ñola Bibebe Luther, mi Ya taha mwa lusika lwa Wesley ni masika amañwi cwalo, ba I amuhela kwani mi ba buluka Linzwi; mi ba bona kwani sinulo ya Jesu Kreste ha ba Mulimu ya ezizwe nama mwahala luna, ni kolobezo ya mezi ka Libizo la Jesu, kona kuli bakena hande ku yona. Ki fo cwale. Mi ba—ba amuhela Libizo la Hae ka linako zani. Mwabona? Kiñi, kinto yebunolo fela sina . . . ye bunolo fela sina kubala pampili ya makande. Mwabona? Fela . . . Mi hamukoni ku latula zeo, kakuli ki zeo ona fa. Li tolokilwe hande mwa Bibebe moo, mi ki se fa, mi lu na . . . Ni za kale zateni. Ona kwani kona kone ikalezi keleke

ya Pentekota mi ya amuhela libizo la yona, ka 1908, '10, '12, mwahala linako zani, ya kale kuwa.

165 Cwale, ku lukile:

. . . mi ha usika latula libizo la ka. . . ha usika latula libizo la ka.

166 Cwale, Na tabela cwalo. Una ni—una ni linotolo za Davida cwale, Wa kona kubuluka Linzwi la Hae ni—ni ku mi beya mwa Mubuso. Libizo la Hae ne li patuluzwi. Ba zwa mwa keleke yene na “ni libizo kuli ba shwile,” mi cwale bakeni mwa keleke ye na ni Libizo, fo ki kuli, ina ni Bupilo. Mwabona? Amuzwe ku baba shwile, “Ndate, Mwana, ni Moya o Kenile.” Libizo la “Ndate, Mwana, ni Moya o Kenile,” zeo mane ha li utwahali kuba hande. Mwabona, li beilwe mwateni ka sinulo. Buka ya Hae kakutala iñozwi ka sinulo. Cwalo kona mo iinezi, Uipatulula Iliyena.

167 Cwale Na ize, “Muye mukolobeze sicaba ka Libizo la Ndate la Ndate, Mwana, ni Moya o Kenile,” Mateu 28:19. Cwale, ki mabizo afi e mu ka itusisa ku ao? Cwale, buñata bwa sicaba sa sa tumelo mwa bulalu bwa bulapeli ba kolobeza, “Ka libizo la Ndate, ka libizo la Mwana, ka libizo la Moya o Kenile.” Zeo mane ha li yo ni mwa Mañolo. Mubuze mutu kaufela. Mubone haiba ha ki. . . Ki ka *libizo*, li liliñwi, isiñi *mabizo*. *Libizo!* Libizo la Ndate ni la Mwana ni Moya o Kenile. Mwabona? Ku lukile. Ndate ha ki libizo; Mwana ha ki libizo; Moya o Kenile ha ki libizo. Kona kuli ki sikamañi? Kinto ye shwile! Hakuna libizo fateni. Kono ki ka malumbatina a shwile ao. . .

168 Ka Bupilo bwa Kreste, li patuluzwi. Mi Pitrosi na swanela kuba ni. . . Na yemi fani ni linotolo za—za Mubuso wa Lihalimu mwa lizoho la hae, mi Mubuso ki Moya o Kenile; inge li lepelela mwateka ya hae, linotolo za Mubuso. Ka manzwi amañwi, ki sinulo, kakuli Jesu na mu bulelezi. Oh, muzwale, kikuli ha muboni cwalo nji? Pitrosi ki yena yana fuyozwi ni sinulo ya Niti. Mi ki yani inza yemi faale, mi na utwile Jesu ha li, “Muye cwale, mulute macaba kaufela, mu ba kolobeze ka Libizo la Ndate, Mwana, ni Moya o Kenile.”

169 Pitrosi a sikuluha ni kubulela kuli, “Mulena, Nina ni linotolo luli ki zee. Nina ni sinulo ya ze sitalusa seo, kakuli Na ziba libizo la Ndate, Mwana ha ki libizo, mi Moya o Kenile ha ki libizo, kono Na ziba seo Libizo lili lona.” “Kona kuli Ni kolobeza ka Libizo la Mulena Jesu Kreste.” Amen. Whew! Yeo ki niti.

170 Cwale, kuswana fela sina kubala likande la lilato. Mi kipeto wena. . . Yeo ki buka ya mafelelezo ya Mateu, siemba sa mafelelezo sa Mateu. Haiba mufumana likande la lilato, mina likezeli babañwi. . . Ni ziba kuli ha muezangi cwalo, luli nemusike mwa eza cwalo; batili, batili. Mwabona? Kono haiba no ezize cwalo ha no sa li muezalibi, mwabona, wa nopa likande mwa. . . mwa ziba, ha no sa li musizana fela yomunyinyani, ni kunopa likande leo, ni kubulela kuli, “John ni Mary bapila ka

tabo kasamulaho.” Huh! John ni Mary ki bomañi? Cwale, kuna ni fela nzila iliñwi kuli uzibe yo John ni Mary ali yena, fo ki kuli, kutela pili mwa buka mi u ibale hape. Kana ku cwalo?

¹⁷¹ Kihande, kona kuli mwa buka ya mafelelezo ya Mateu, timana ya mafelelezo, yana bulezi Jesu kuli, “Muye cwale, mulute macaba kaufela, mu ba kolobeze ka Libizo la Ndate, ni la Mwana, ni la Moya o Kenile, mubalute kumamela se Ni ba laezi.” Cwale, haiba—haiba Ndate ha ki libizo, ni Mwana ha ki libizo, ni Moya o Kenile ha ki libizo, ki hande kukutela kwa makalelo a Buka. Mwabona? Cwale, haiba lu kutela kwa makalelo a Buka, kauhanyo ya 1 ya Mateu, mu fumana cwana.

¹⁷² Ni tabela fela kufa mutala wo fa bakeñisa kuli kwakona kuba alimuñwi mo ya samba kuba abone fateni. Mutalime taba ye. Yo ki Ndate, yo ki Mwana, mi yo ki Moya o Kenile. Cwale, amutalime hande. Ndate, Mwana, Moya o Kenile. Kona mwa na bulelezi Jesu mwa Mateu 28:19. Kana ku cwalo? Ndate, Mwana, Moya o Kenile. Cwale, yo ki mañi? Ndate? Amuteeleze sitopa. Ndate, Moya o Kenile, Mwana. Cwale, yo ki mañi? Moya o Kenile. Yo ki mañi? [Kopano ili, “Ndate.”—Mu.] Yo ki mañi? [Kopano ili, “Mwana.”] Mwana. Ku lukile. Cwale, yo neli Ndatahe Mañi? Jesu Krete. Kana ku cwalo?

¹⁷³ Cwale, Mateu, kauhanyo ya 1, timana ya 28, halu ibaleñi. Lu kanga likande la lilato cwale ni kubona mo li balelwa. Luka bona Yo—Yo Mutu yo ali yena, wa, ya Na bulezi kuli, “Muye mu ba kolobeze ka Libizo la Ndate, ni la Mwana, ni la Moya o Kenile.” Ku lukile. Cwale, kauhanyo ya 1 ya Mateu ikala ka masika:

Buka ya masika a Jesu Krete, mwana Davida, mwana a Abrahamama.

Abrahamama apepa Isaka; . . . Isaka apepa Jakobo; . . .

¹⁷⁴ Ni cwalo, cwalo, cwalo, cwalo kutofita ni fa—fa timana ya 18. Cwale, mwa bona, mu ye cwalo kufita fa timana ya 17 ni . . .

Kacwalo masika kaufela kuzwa ku Abrahamama kuya ku Davida neli masika a lishumi ka amane; mi kuzwa ku Davida ku isa kwa kuisiwa mwa Babilona . . . masika a lishumi ka amane; ni . . . kuisiwa mwa Babilona ku Krete neli masika a lishumi ka amane.

Cwale kupepwa kwa Jesu Krete ku tahile ka mukwa wo: Ma . . . mahe Maria ha na beelelizwe ku Josefa, . . .

¹⁷⁵ Kana mwa ni latelela inge mubala? Amuteeleze hande:

. . . Mi . . . mahe Maria ha na beelelizwe ku Josefa, . . . a fumanwa kuli una . . . ba si ka taha kale hamoho, a fumanwa kuli una ni mwana Mulimu Ndate.

¹⁷⁶ Kana kona mo ibalela cwalo? Afumanwa ni mwana wa sikamañi? [Kopano ili, “Moya o Kenile!”—Mu.] Kihande, Ni nahana kuli kuna ni ya bulezi kuli yo neli yena Ndata He. Cwale, haiba Moya o Kenile ki mutu alimuñwi, mi hape Ndate ki

mutu usili, kona kuli Nana ni bo ndatahe bababeli. Ki sikamañi se munani? Mwana wa mwa bunyazi. “Oh,” mu li, “a . . . ne ba lyanganisize fela mañolo foo.” Ku lukile:

Mi Josefa muuna hae, kakuba muuna ya lukile . . . asa . . . asa tabeli ku mu swabisa ku babañata, a bata ku mulisela kwa tuko.

Kono ha sa hupuzi ka litaba zeo, amubone, lingeloi la Mulena la mu tahela mwa tolo, lali, Josefa, wena mwana Davida, usike wa saba ku ikungela Maria musala hao: kakuli sa itwezi ki sa . . . [Kopano ili, “Moya o Kenile!”]

177 “Milomo ya bababeli kamba lipaki zetalu, linzwi kaufela li tiiswe.” Mwabona? Uh-huh. Moya o Kenile neli yena Ndata He. Kihande, Na bulezi kuli “Mulimu” neli yena Ndata He. Cwale, haiba ki batu bababeli ba bashutana, ki ufi yanali ndata He? Mwabona fo mu ka ipumana. Mu ba fela mwahala mbyumbyulu mwa moya. Mwabona? Cwale, mu na ni kubulela kuli Moya o Kenile ki Mulimu yena Kasibili! Ki ona Moya o Kenile, ili yena Mulimu. (Cwale, mu li boni cwale, kufita kuba bababeli.) Ku lukile.

178 Ku lukile, timana ya 21:

. . . sa itwezi ki . . . (Ki mañi yana beile . . . Ki mañi ya Na mu beile fa mba ya Yo ku yena? Ki Moya o Kenile. Ku lukile.)

Mi uka pepa mwana mushimani, mi u ka mu beya libizo la (Libizo) la JESU: kakuli u ka pilisa sicaba sa hae kwa libi za sona.

. . . ze kaufela za ezahala, . . . Cwale zeo kaufela za ezahala, kuli ku talelezwe se si bulezwi ki Mulena ka mupolofita, kuli,

Amubone, mwalanjo uka itwala, mi apepe mwana mushimani, mi ba ka mu beya libizo la Emanuele, . . . ha ku fetulwa ki kuli . . . Mulimu una ni luna.

179 Libizo la Hae neli Mañi? Cwale, ki bo mañi bo John ni Mary bene ba pilile ka tabo kasamulaho? Ki Libizo mañi la Ndate, la Mwana ni la Moya o Kenile? Fani Jesu ha pepwa mwa lifasi, Na li Kreste Mulena. Ka nako ya mupato wa Hae (mazazi a ketalizoho ka amalalu kasamulaho) bo mahe ba Mu beya Libizo ni bo ndata He ba Mu beya Libizo la “Jesu.” Na li yena Jesu Kreste, ili Mulena Jesu Kreste, cwale.

180 Nali yena Mulena! Ha Na pepilwe, Na li Kreste Mulena. Mi Ha to fiwa Libizo la Hae la “Jesu,” sani sa Mu eza kuba Jesu Kreste Mulena. Ona zeo kona ze ne patuluzwi ku Pitrosi, na zibile yoo John ni Mary neli bona ha Na bulezi kuli, “Muye mu kolobeze ka Libizo la Ndate, Mwana, Moya o Kenile.” Kacwalo, nelika patululwa kakuli Jesu na ziba kuli Pitrosi nana ni mpo ya sinulo, Na zibile, kakuli ne se li patuluzwi kale ku yena ka Moya

ozwelela kwa halimu. Mi cwale Mulimu ha bona kuli muuna yoo wakona ku amuhela sinulo yezwa kwa lihalimu, Wa kona sepa muuna yoo, kuli uka eza sesiñwi ka yona; ha li patuluzwi ku yena, kakuli Na ize, “Hakuna mutu yakona kupatulula se kwanda Ndata He.” Mulimu ki yena fela Anosi Ya kona ku li patulula, mi Na zibile kuli Pitrosi mwa . . . nali mwa tamahano ni Moya. Kona kuli na . . .

¹⁸¹ Pitrosi na ziba sinulo, mi ki haya teñi ni ku yobulela kuli, “Mubake, mi mu kolobezwe ka Libizo la Jesu Kreste kwa swalelo ya libi za mina.”

¹⁸² Cwale, mazazi nyana fela a likani kwa mulaho, Jesu a bulelela Pitrosi, (Nako yeswana ya Na mu bulelezi Yo sinulo neili yena, “Fahalimwa licwe leo Ni ka yaha Keleke ya Ka, mi minyako ya ba bashwile haina ku Ikoma.”), “Mi Ni li ki wena Pitrosi, mi Ni ka kufa linotolo.” Oh! “Linotolo za Mubuso! Ni ka kufa linotolo. Kaufela so ka tama mwa lifasi, Ni ka si tama mwa Lihalimu. So ka tamulula mwa lifasi, Ni ka si tamulula mwa Lihalimu.”

¹⁸³ Cwale ka Lizazi la Pentekota, kwa ku kakulwa kwa Keleke, mazazi a lishumi kasumulaho Jesu amano bulela kuli “muye mukolobeze ka—ka Libizo la Ndate, Mwana, ni Moya o Kenile,” Pitrosi ka sinulo a ziba kuli nekusina sika sa kuli libizo la “Ndate, Mwana, Moya o Kenile.” Kihande, hakuna mutu yakile a nahana cwalo konji ba lusika lwa Katolika. Mi mutu kaufela ya kolobelizwe ka libizo la “Ndate, Mwana, ni Moya o Kenile” yoo u kolobelizwe mwa tumelo ya si Katolika, (yeo ki niti) isiñi mwa kolobezo ya Bukreste. Ne kuna ni . . . bo masiyaleti.

¹⁸⁴ Cwale, ka Lizazi la Pentekota, kaufela bona ne ba tezi Moya o Kenile, mi ba bulela ka malimi ni—ni kueza inge ba bakozwi. Mi ne ba kozwi, ne ba kolilwe ki Veine yenca. Veine ye nca yene zwile kwa Lihalimu, kuzwelela kwa Kanana ya lihalimu. Mi kaufela bona ha ba huwa ni kukalumuka ni kueza inge ba bakozwi ni zeñwi cwalo, Pitrosi a yema mwahala bona ni ku ba bulelela kuli “Ne ba si ka kolwa, kono ne ba—ne ba . . . Se neli sani sa na bulezi mupolofita kuli si ka ezahala, ‘Uka sulula kwa Moya wa Hae.’”

¹⁸⁵ Mi cwale ba—ba bulela kuli, “Banabahesu ni mizwale, lu ka eza sikamañi? Banabahesu ni mizwale, lu ka eza sikamañi?” Yeo ki puzo. “Lu ka Li utwisisa cwani? Kimañi yana ni linotolo?”

¹⁸⁶ “Taha kwanu, Simoni. Una ni linotolo, li comole fa lukanda lwa hao. Mi uka bulela sikamañi? Cwale muhupule, Jesu Kreste naize, ‘Ha u ka tama sika mwa lifasi, Ni ka si tama mwa Lihalimu. Ha u ka si tamulula mwa lifasi, Ni ka si tamulula mwa Lihalimu.’ Mi haiba Ki Mulimu, Una ni kubuluka Linzwi la Hae.”

¹⁸⁷ Cwale, mina baprisita ba Katolika, ha mu ni bonise “swalelo ya mina ya libi.” Muprisita wa Katolika akile a ni bulelela nako yeñwi, ali, “Kana Jesu na si kali, ‘Bo mu ka swalela libi zabona, ba ka li swalelwa?’”

Se nili, “Na bulezi cwalo.”

“Mi bo mu sa ba swaleli zona, habana ku li swalelwa?”

“Eehe.”

“Yoo ki mutu kaufela yo muswalela, u swalezwi; kaufela yo mu sa swaleli, ha si ka swalelwa.”

Se nili, “Zeo kona se I bulezi.”

Na bulezi kuli, “Kona kuli Kreste na sika fa Keleke ya Hae, yeo luli Keleke ya Hae, mata a kuswalela libi mwa lifasi?”

¹⁸⁸ “Kaniti na ezize.” Se nili, “Cwale, haiba mu ka li swalela sina mo ba li swalelela, Ni ka lumelela ni wena.” Eehe. Se nili, “Ne ba li swalela cwani? Kikuli ne ba ba bulelelanga kuli, ‘Zamaya u yo peta litapelo’ kamba nto yeñwi, kamba mo mu ezeza mina?”

¹⁸⁹ Batili, sha. Pitrosi naize, “Mubake!” Amen. Ki seo sinotolo, “Mubake, mi mutu ni mutu wa mina, a kolobezwe ka libizo la Jesu Kreste kuli aswalelwe libi, mi mu ka amuhela mpo ya Moya o Kenile.” Za ya “kwece” mwa lifasi, ni kuya “kwece” mwa Lihalimu. Kona Cwalo.

¹⁹⁰ Ki kabakaleo Paulusi ha katana babañwi bene ba kolobelizwe ki muuna yaswana yana kolobelizwe Jesu, ki hali, “Kana mu amuhezi Moya o Kenile kuzwa ha mu lumela?”

Se bali, “Ha lu zibi kuli kuna ni Moya o Kenile.”

Mi ali, “Ki mukwa *mañi* . . .” Amunge linzwi la mina la Sigerike, libulela kuli, “Ne mu kolobelizwe *cwani*?”

Se bali, “Ka Joani.”

Ali, “Zeo ha li sa beleka ni hanyinyani. Lihalimu li kwalilwe. Mu na ni kutaha; mu kolobezwe ka Libizo la ‘Jesu Kreste.’”

¹⁹¹ Kaewalo ha ba utwa cwalo, ba kolobezwa sinca hape ka Libizo la Jesu Kreste. Mi ba si no kolobezwa, Paulusi aba beya mazoho, Moya o Kenile wa taha fahalimwa bona, ba bulela ka malimi ni kupolofita.

¹⁹² Oh, muzwale, fo ki ku kutela kwa simuluho. Yeo ki niti. Sani kona “sikwalo se si kwaluhile” sene si beilwe kulo fa. Kuya ka sibaka sateni kulukile, Maseli a manzibwana, mi Liñolo kaufela mwa Bibeles lisupeza hande kuyona.

¹⁹³ Lwakona kuyema fa ka liholo hola, mi Nina ni mizuzu ye lishumi ka yeketalizoho yesiyezi, mi ku sa na ni litaba ze mashumi amalalu ka zeketalizoho za kubulela fa. Mi haiba lu sa fezi, lu ka litalima kakusasana haiba haluna ku li feza busihu boo. Ku lukile.

¹⁹⁴ Cwale, ku lukile:

. . . *mi hakuna mutu yakona ku si kwala; kakuli una ni mata a likani, mi u bulukile linzwi laka, . . .* (Ku lukile). . . *mi ha u si ka latula libizo la ka.*

195 Ki yeo luifumani! “Ha u si ka latula Libizo la Ka.” Libizo ne se li patuluzwi, ne ba zwile mwa kopano ye shwile ya Sardisi, mi ne se ba keni mwa Keleke yepila.

196 Cwale halu ngeni timana ya 9. Cwale, lu ka talima cwale, lutaha cwale kwa sika se si maswe hahulu:

Bona, Ni kufa babañwi ba sinagoge ya Satani, ba baipiza Majuda, kanti ha si bona, kono ki ba lishano; bona, Ni ka batisa kuli ba to kubamela fapila mahutu a hao, mi ba ka ziba kuli Ni ku latile.

197 Bo ki busihu bobunde bo butezi, ona foo. Mutalime! Sebali sikamañi cwale? Bona ba Na ambola ku bona, bene ba fumani Libizo la Hae kasamualaho wa nako ye kaufela kulo faa, ba taha kwa “Sikwalo sesikwaluhile” Jesu Kreste (ne bana ni Linzwi la Bupilo, ba tezi Moya o Kenile), mi cwale A li, “Kuna babañwi mwahala mina babali sinagoge ya Satani.”

198 Cwale, muzwale waka, haiba mu tabela fela kukuta kwa—kwa Pergamosi, mwa Sinulo 2:13, fa muzuzu fela, mi haluboneni ni mi bonise fela fa kuli seo ki sikamañi luli: ki kopano.

Ni ziba misebezi ya hao, ni mo u yahile, ni mo ku yahile sipula sa Satani: . . .

199 Ki fohe cwale. Laodesia yani . . . kamba, Ni talusa keleke ya lusika lwa Nikolai kone ba ikongakongile. Mi amutalime, ka kubonisa kuli nebali keleke, ya sinagoge, keleke, keleke ya kopano. Oh, muzwale! “Sinagoge ya Satani.” Cwale, misebezi ya kopano ki ya diabulosi! Isiñi Bakreste, cwale, muhupule, ki Bakreste, kono ki kopano yona kasibili. Ku lukile.

200 Cwale, kikuli mulemuhile Na bulezi kuli, “Una ni bao mwahala hao ba ba ipiza kuli ki ‘Majuda,’ kono uba fumani kuli ki mahata.”

201 Cwale, muhupule, lingeloi lelituna . . . Cwale ki sikamañi sa bulela ka sona? Keleke ya mafelelezo ye, sikwalo se si kwaluhile se mwahala likeleke zepeli.

202 Cwale, lusika lwa keleke yapili ne lu lutilwe ki mañi? Paulusi. Cwale haluyeni mwa Maroma 2:29 mi lu bone kuli Mujuda u cwani, kuli mu ikolwisise ni kuziba kuli haki—haki munahano wa mina fela ka zona. Maroma kauhanyo ya 2, ni timana ya 29, ya Maroma. Ku lukile, ki luna ba fa:

Kono Mujuda, ki yeli yena mwahali; mi mupato ki wa . . . wa pilu, o ezwa ka moya, isi ka mukwa fela; kulumbwa kwa hae ha—ha kuzwi kwa . . . kulumbwa kwa hae ha ku zwi kwa batu, kono kuzwa ku Mulimu.

203 Kana ki mañi—Mujuda ki ya cwani? Ki Moya, Mukreste ya tezi Moya o Kenile! “Ni ziba kuli mufitile kwatasi cwale a lusika lwa kukeniswa lo lu bulela kuli ba ‘na ni Moya o Kenile,’ kono a bulela kuli, Nali kuba.” Ba bulela kuli nebana ni Moya o Kenile kusina lisupo ze latelela, kono U ize, “Ki ba lishano.” “Lisupo

ze *lika* latelela baba lumela.” Ha li koni ku Mu bulelisa buhata. Oh, muzwale! Zeo za mi boufaza, maneku kaufela. Mwabona? Oh, mawi!

Ni ka. . . *Bona, Ni ka kufa babañwi ba sinagoge ya Satani, ba baipiza kuli ki Majuda*, (“Ba baipiza kuli ki ‘Bakreste ba batezi Moya,’ uli; ki sinagoge, ki kopano. Ni ka ba ezeza baba bulela kuli ‘bana ni Moya o Kenile’; ni kopano kaufela—ye koanezi kwani. Mane habana nihaiba sinulo!” Mwabona? Ku lukile.) . . . Ni ka li. . . *bona ba baipiza kuli ki Majuda* (ki Bakreste), *mi ha ba cwalo, kono ki ba mashano; bona, Ni ka ku ezeza bona. . . utathe u kubame kwa mahutu a hae, ni ka kuziba kuli Na ku lata.*

²⁰⁴ Ona fa li ka tokwa kutaha ku na mwa liñusa la kakusasana. Yoo ki mwanango ya lobezi foo. Mwa bona nji? Neli lili kwani? Kwa mafelelezo a nako. Oh, ha ba zwela kwande. Ki ye fa. . . Mwabona? Ba beilwe baba lukile ka tumelo, ba kenisizwe. Ba beilwe baba lukile ka liñusa la Luther; ba keniswa kulo *moo*, kono ba mbwinja “Sikwalo se sikwaluhile.” Mwa bona nji? Kubeiwa ba balukile ka tumelo, ka Luther; bakeniswa, ka lusika lwa Wesley.

²⁰⁵ Buñata bwa babande ba Nazarene bani, Pilgrim Holiness, Wesleyan Methodist, ni babañwi cwalo, kaufela bona ne ba pila bupilo bobunde, bo bukenile, bo bu kenisizwe, mi ba nahana kuli bana ni Moya o Kenile; ni kuutwa mulikani ya bulela ka malimi, kamba nto yeñwi, ba ka mu seha, ku mubona bukuba, ni kubulela kuli, “Ki za diabulosi.” Muzwale, u ipizelize sinyeho ya hao nako yo no ezize cwalo. U nyefuzi Moya o Kenile, ili sibi se si sina swalelo.

²⁰⁶ Kihande, mu li, “Luna lu ba keleke Yapili.” Hanina taba kamba ki likeleke zekai ze mu fumaneha ku zona. Halina sa kueza ni Linzwi la Mulimu, mi “hakuna ze li ekeza.” Yeo ki niti, “Sinagoge ya Satani!”

²⁰⁷ Ni sepa kuli ha Ni mi filikanyi. Ni—Ni toile fela kubulelanga cwalo, kono kuna—kuna ni Sesiñwi mwahali ku na se si ni hapeleza kueza cwalo. Ha ni zibi ze Ni li ezezanga. Mu ziba kuli Ha ni tabelangi kueza cwalo. Ni ikutwanga fela bumaswe ha Ni bulelanga cwalo, kono niteñi Ni na ni ku li bulela. Kuna ni Sesiñwi mwahali mwani se si ni bulelisa zona. Kamita ni toile ku omanyanga basali, Ni—Ni ikutwa hahulu. . . Musali wakona kulila, mi Ni ikutwa fela bumaswe. Ni—Ni toile fela ku pazaulanga basali, kono kuna ni Sesiñwi mwahali mo se si ni ezisa cwalo. Mwabona? Musali yasina buiswalo (Ooh, muuna!), Ha nikoni fela ku liyemela. Kakuli, kuna ni Sesiñwi mwahali kuna se si ni ezisa cwalo, ki Moya o Kenile.

²⁰⁸ Mi Ni talimela mwa Linzwi mo, Ni sepa kuli, “Mulena, haiba Ni fosize, ni bonise sona. Usike wa ni lumeleza kuli ni yange fela

ona cwalo. Sicaba hasina . . . Hanina . . . Na lata sicaba, U ziba kuli Na ba lata. U si ni lumelezi kunyemisa mutu, Mulimu, U ziba kuli ha Ni koni kueza cwalo.”

209 Kono Moya o Kenile wa yema ni kubulela kuli, “Yena fa Linzwi leo! Ina ona foo! Ina hande fa Linzwi leo!”

210 Mi Ni li, “Eeni, Mulena. Haiba ki . . . U Mulikani yomunde hahulu. Ki wena unosi fela yo Ni . . . Ki wena Mulikani wa niti ya ka . . . unosi Wena fela yaka ni tusa bupilo bo ha se bu felile, kuli Ni yo yema hande ni Wena ka nako yeo, Mulena.”

211 Kina yo Na taha. Ha ni talusi ku holofaza, shangwe musike mwa ni palelwa ku ni utwisisa ha Ni omanyika likopano zani ni lika zeñwi. Kale mane Ni si ka ziba kale sesiñwi ka ze, mwa bupilo bwaka kaufela, Ni li pazauzi. Ne ni si ka li lumela, ki kabakaleo ha Ne ni sa lumelelani ni zona. Mi . . . Ku lukile. Ni itumela ku Mulimu ka ku ni buluka kwahule ni zona!

Bona, Ni ka ba ezeza sinagoge ya Satani, ba ba ipiza kuli batezi Moya, mi ha ba cwalo, kono . . . ba puma; mi Ni ka ba tisa . . . ba to kubama fapila mautu a hao, . . .

212 Ha mu hupuli mwanjalo ya lobezi ha na zuha? Cwale, muhupule, na bizwa sikamañi? Ne ku nani ba balishumi ba bona bene ba ilo katanyeza Munyali. Kana ku cwalo? Baketalizoho neli ba babutali, nebana ni Oli mwa malambi a bona. Ki ba bakai ba baziba se i yemela oli mwa Bibebe? Moya. Cwale, mutu ha koni kubulela kuli, “Ha u si ka keniswa, mi Ha ni . . .” Kaufela bona ne ba kenisizwe, mutu ni mutu wa bona. Kaufela ne ba kenisizwe; kono baketalizoho ne ba li baba butali (kuba ni butali bwa sinulo) kuli baswale Sikwalo sani, mwabona, kuli batazwe ka Moya. Nebana ni Oli mwa malambi a bona, mi babañwi ne ba sina Oli. Mi ha ba to zusiwa, kiñi, se ba taha ku bona, bali, “Oh! Oh! Amu lufe kwa Moya o Kenile wa mina, Oil. Aku ni fe kwateni!”

213 Bali, “Eehe, niswalele, kezeli, nina ni fela ye ni likani. Ni ziba kuli hanina yeñata ye kona kusiala.”

214 Konakuli . . . mi cwale . . . Ki hali, “Amuye mu yo lapela katata.” Mi ba si no ya ku yo bata, Munyali ataha mi ba kena mwahali kwa Mulalelo wa Sinawenga; mi ba siyala kwande, ko ba ka fita mwa nako ya Nyandiso . . . Amutalime fela fa nako nyana, litimana nyana zelikani fapili, mukabona kuli ba ka kenelela fela mwa nako ya Nyandiso. Mwabona?

215 Cwale, ya lobezi . . . Lu ka nga seo kakusasana. Eehe, Ni lumela kuli ikaba hande nyana ha ne lu ka libelela zeo, kakuli se lu fita fafasi seli nako cwale, ku lukile, lu kwale.

216 Cwale ha lu boneñi:

Bona, Ni ka . . .

U ba fumani kuli ki ba mashano, kuli habana Moya o Kenile.

217 Nto nyana fela faa, shangwe, ha lu sa inzi hamoho. Judasi Isikariota, sina ha ne Ni bulezi maabani busihu, neli mwana wa sinyeho. Bibebe ibulezi kuli, “Na pepilwe ali mwana wa sinyeho.” Mi cwale ha na . . . Mi Jesu Kreste na pepilwe ali Mwana wa Mulimu. Mi, Mulimu na pila ku Kreste. Ki cwalo kana? Mi . . . Satani na pila ku Judasi. Haiba na li Mwana Mulimu, na pepilwe ali Mwana Mulimu, Mwana Mulimu yana bonahalile mwa mubili; kona kuli Satani neli mwana wa sinyeho, nali mwa mubili wa . . . ili mwana wa sinyeho, Satani, yena diabulosi.

218 Cwale, haiba mu lemuha, na ikopanyize *ku* Jesu, mi aba alimuñwi wa bona. Mwabona? Cwale, libaka la na ezelize cwalo, kuli abe ni bupumi bwani natile mwa lizazi leka kukena mwa kekeke. Cwale, Jesu naize, “Masinagoge ani ki a Satani.” Oh, mawi! Si utwahalile seo? Ki masimagoge a Satani! Yo ki Judasi ya ikangabeka kuba Mukreste.

219 Ki sikamañi sa na bata hahulu Judasi? Neli masheleñi. Buñata bwa kuhohanela kokutuna mwa litaba ze ki kacenu ki masheleñi. Amutalime ba Assemblies of God, ba basweli kuyaha muyaho wa mali akuma fa madollar aeza sikisi-milioni kwanu, ni kuluta kuli “Mulena wa taha cwanoñu.” “Oh, lindalamiti lisweli kunyendaela kuli li lu kasheze kwahule,” ni kuyaha muyaho o likana wa dollar a sikisi-milioni. Oh, mawi. Kihande, kufuma ni kutokwa . . . Lu ka talima ku zeo kamuso busihu, cwale, haiba Mulena alata.

220 Cwale ha mu lemuhe faa. Oh, amutalime likeleke mo li bezi zetuna, likopano zee. Basweli kukoleka mali a bona hamoho ni . . . Oh, makeke! Ba fetuha fela bafumi ba ma bilioni amañata-ñata . . . mane nihaiba kuba ni masheleñi, tutengo to tu kolotisa mali tu mwahala bona, ni lika zeñwi kaufela. Ku kolitisa mali ni lika zeñwi, likeleke. Muzwale, zeo ha li utwahali sina buapositola ku na.

221 Pitrosi ali, “Silivera ni gauda Hanina, kono ze Ni nani . . .” Ni fe ona Seo, mi munge masheleñi a mina kaufela. Yeo ki niti. “Silivera ni gauda Hanina, kono ze Ni nani kona ze Ni kufa: Ka Libizo la Jesu Kreste . . .” Zeo kona za na nani, ili sinulo ya Zona. “Kona ze Ni kufa: Ka Libizo la Jesu Kreste yema u zamaye.”

222 Ku lukile, cwale lu fumana cwana fa kuli nebali “masinagoge a Satani.” Cwale, na kuba cwani cwalo? Cwale, Judasi ha taha . . . Cwale amutalime! Bukaufi fela ni nako ya na tile Jesu fa lifasi, Judasi ataha mwa lifasi ni yena. Mu lemuhele cwalo? Mi bukaufi ni nako yeo Jesu ha zwa mwa lifasi, Judasi a zwa mwa lifasi ni yena. Bukaufi fela ni nako Moya o Kenile ha u kutela mwa lifasi hape, Judasi akuta mwa lifasi hape. Moya wa antikreste, ku to sebeza, hape bana ba bahanyezi, ba ba sa tokomeli za Bibebe, kono ba tokomela za—za kopano. Mwabona? Mi ba ikezeza sinagoge! Mi Jesu ubulezi fa kuli, “Ki sinagoge ya Satani.” Kikai? Ye tomilwe mwa lusika lo *moo*. Ne ikalile cwani kwa

mulaho *kwanu*? Ka kopano. Yeo kona nto yeswana yene ezahalile *kwani*. “Ki sinagoge ya Satani.” Mwa utwa kana?

223 “Sinagoge ya Satani,” Ki hali, “baba bulela kuli batezi Moya.” Cwale, bakona kubulela cwani zeo?

224 Judasi, hana li mwa lifasi le, akopana ni Jesu, a fa buipulelo bwa kuli nali mulumeli ku Jesu, mi aba mubuluki wa sikwama, ki yena yana swala mashelēni kaufela. Kana ku cwalo? Kaufela mina mwa ziba cwalo. Cwale, haiba na lumela ku Jesu Kreste, na amuhezi (kabuhata) kuluka. Kana ku cwalo? Mwa Maroma 5:1, “Kabakaleo ka kubeiwa baba lukile ka tumelo.” Yeo ki niti. Ku lukile.

225 Cwale, cwale nto yeñwi, ku Muhalalehi Joani 17:17, Jesu na ba kenisize ka Niti, A bulela kuli, “Linzwi la Hao kona Niti,” mi Nali yena Linzwi.

226 Mi Abafa mata a kulwanisa mioya yemasila; ku zwela kwande kuyoba ni lisebelezo za foliso, ni kuleleka mioya, ni—ni kueza limakazo za mifuta kaufela. Mi amubone ha ba yo kuta, Judasi ni babañwi. . . Cwale amutalime, Nazarene, Wesleyan Methodist! Ba yo kuta, inge ba nyakalala, ka tabo yetuna, ni kulumba Mulimu, inge ba huwa bakeñisa kuli mioya neiba utwa. Mi Jesu ali, “Musike mwa tabela kakuli mukona mioya, kono mutabe kakuli mabizo a mina a ñozwi mwa Buka ya Bupilo.”

227 Mi muhupule kuli Judasi neli alimuñwi wa bona! Mwabona, nasweli kupuma keleke kukena ku ze cwalo. U belekile ona cwalo mwa minelo yecwalo, mwa ziba, kono ha li to fita kwa Pentekota a bonisa mibala ya hae. Kona sa na ezize mwa linako za Kusaziba, mwa keleke ya Methodist, ni sa na ezize mwa keleke ya ba Lutheran, ni sa na ezize mwa keleke ya ba Nazarene, ni mwa Churches of God ni zeñwi, ku to fita kwa kukeniswa; ha li to fita kwa kolobezo ya Moya o Kenile wa kubulela ka malimi, mi baeza lisupo ni ze komokisa, ba U nyaza.

228 Kaufela bona ba ka mi zamaela ka nzila ya foliso ya Bumulimu. Luli, Judasi aeza cwalo ni yena. Mwabona? Kono cwale. . . Kuna ni lifoliso zeñata hahulu za Bumulimu. Ba mwa musipili kacenu, muzwale, bayema ka lihola zepeli ni kubulela kuli, “Limela za hao li ka ca mulilo ha u sa bafi ma dollar aeza mashumi a ketalizoho ka busihu bulibuñwi, ka siemba.” Ni lika zeo kaufela, yo ki diabulosi. Luli kucwalo. Na lumela mwa foliso ya Bumulimu ka pilu yaka kaufela. Kono lika zeo ki za diabulosi, luli, ki za diabulosi. Hanina taba kamba mu ka eza zekuma kai, kamba ki zekai kaufela; Judasi na leleka mioya, ni yena.

229 Jesu naize, “Babañata ba ka taha ku Na ka lizazi lani, babali, ‘Mulena, Mulena, Na. . . hanili Ni lelekile mioya ka Libizo la Hao ni kueza misebezi yemituna?’”

230 Ki hali, “Haiba u ezize cwalo, Na hakuna se ni ziba ka zona. Amuzwe ku na, mina baezi ba zemaswe, Nali kuba ni mi zibe.” Luli.

²³¹ Oh, muzwale, “munyako wa kumbana, mi nzila ki yesisani, mi ki babanyinyani baba I fumana.” Lu ambola ka ba “balikani” kakuli lu mwa lusika lwa mafelelezo ko ku lukela kuba fela babanyinyani. Amu Liamuhele, shangwe, mizwale baka!

²³² Musike mwa nahana kuli Ni yemi fa...Ni kona kutabelaku...Haiba ikona kuba na, Ne—Ne...Ku na, Ne ni ka nyanyifaza ni kubulela kuli, “Halungeni ba Assemblies of God kamba muzamao omuñwi, amukene fela mwahala bona ni kuzamaelela hande ni bona.” Kono, Oh, muzwale, bumai ki bwaka haiba Ni eza cwalo! Bumai ki bwaka! Ni ziba zende kufita foo. Mulimu ukona ku ni isa kwa lihele ka kueza nto ye cwalo. Eeni, sha. Haiba Nina ni zeñwi...Nina ni kukwala bupilo bwaka, Nikaba fela ni ku bu kwala, kufelile. Kakuli kuna ni Sesiñwi ku na, Hakuna ze ni kona kueza mwa lifasi kufita zeo.

²³³ Ni ziba kuli ye kona Niti, mi Ni lukela kuyemela lika za Niti, mi Biblele ya Li yemela. Likopano za Li lwanisa, kono Biblele ibulela kuli Kona nto yelukile. “Linzwi la mutu kaufela alibe la buhata, ni la Hae libe la niti.” Yeo ki Niti, yeo ki Yona, mupile fela ni Lona.

...ku ba ezeza...sinagoge ya Satani,... (Ku lukile)...Mi ba ka ziba...bona ni ka batisa kuli ba to kubamela fapila *mautu* a hao, *mi...ba ka ziba kuli Ni...ku latile.*

Kakuli u bulukile linzwi la ka, ni na Ni ka ku buluka mwa nako ya muliko,...

²³⁴ Amutalime cwale, ka kubonisa kuli lo ha ki lusika lwa Methodist lo Ni ambola fateni, kono, ki kutatamana. Amutalime! Kana muitukisize ku teezeza? Mañi ni mañi? Amuteezeze ka tokomelo cwale:

Kakuli u bulukile linzwi la kuitiisa kwa ka, Ni na ni ka ku buluka (bo masiyaleti baba likani bani) *ka nako ya muliko, haku...*

²³⁵ Keleke i kafita fa sibaka fo mu ka kena mwa katengo ka kamba—kamba kuba...mukaba ni—mukaba ni kuba ni zona, muzwale. Ku felile. Mu ka lukela ku ikongakonga kamba kuamuhela nombolo ya sibatana, kamba kunga...Muka ikongakonga mwateni, kamba kukena mwa kopano (ili kutaha kwa sibatana), kakuli ki kuñala. Mwabona?

...yeka tahela...yeka tahela lifasi kaufela, ku to ba lika baba yahile mwa lifasi.

Bona, Ni taha kapili: swala katata so sweli, kuli kutokwe ya kuamuha kuwani ya hao ya bulena.

²³⁶ Cwale “muliko” tuna woo, nako ya muliko ye ka taha ku to lika lifasi kaufela, kukena mwa Nyandiso. Mwa mizuzu yelikani fela lu ka i bona. Ikenelela fela mwa Nyandiso, mi

Nyandiso ne isika taha mwa mazazi a Wesley. Konakuli ki lusika mañi mo lupila? “Sikwalo” se ki sikamañi se si beilwe fapila luna? Si mwahala Wesley ni. . . ko ilibile keleke ka nako ya cwale, mane ikeni kale mwateni, lusika lwa Laodesia. Kono sibaka nyana sesili *fa*, mwahala myaha ye mashumi amalalu kai ketalizoho yefelile, mashumi amane, ibile ya “sikwalo se si kwaluhile” si kwaluhezi kuli sicaba sikene, mi Mulimu uka nga Bomasiyaleti ni ku Si kwala. Mi ba ka kena mwa kufutumala mi Uka ba kwa kuzwa mwa mulomo wa Hae. Musebezi uka pumehela fahali, kipeto Keleke ya ngelwa mwa lihalimu, mi kipeto kutaha antikreste mwateni kwa sinyeho. Ka kupetahala fela, za zamaelela hande ni Bibebe mwa buino kaufela. Ku lukile, cwale.

²³⁷ Mi kwa kona kubonahala kwa mwalanjo ya lobezi hape. Fa kupaka kuli masika a likeleke azamaelela ni siemba sa makalelo a Pentekota, kakuli ba ka kena mwa Nyandiso Yetuna ye ka taha mwa. . . yene si ka taha mwa lusika lwa Wesley.

²³⁸ Timana ya 11, ku lukile, “kuwani ya bulela ya Bupilo.” Timana ya—ya 11 iize:

Bona, Ni taha kapili: . . . (Sikamañi? Kapili kasumulaho wa se cwale, mwabona.)

Bona, Ni . . . swala katata so sweli (kumalela ku sona), kuli kutokwe mutu ya ka kuamuha kuwani ya hao ya bulena.

²³⁹ Kana “kuwani ya bulena” ki sikamañi? Kuwani ya bulena ki sikamañi? Ki—ki—ki. . . *Kuwani* ya bulena italusa kuli u “na—na ni sibaka mo ubusa.” U mulena haiba una ni kuwani wa bulena. Mwabona? Mi luna lu bana ba Mulimu haiba lu apesizwe ka kuwani ya bulena ni Bupilo Bobusafeli, mi sibaka sa maino a luna ki lifasi, “U mi ezize buprisita ni malena ku Mulimu.” Kana ku cwalo. Kona kuli kifohe cwale.

²⁴⁰ Mi cwale mwa Jerusalema Yomunca, kuli mane malena ba lifasi batisa kanya mwa Muleneñi mwani. Oh, kinto yende! Ha. . . haiba mubata kunga seo. Mwabona, kuswana inge kubenya sina linaleli, likuwani za bulena. Mi Daniele 12:3 ifa toloko yetuna, yetabisa ya yona, haiba mutabela ku iñola. Mwendi lukaba ni nako ka mizuzu yelikani fela ya kukena ku yona. Halungeni Daniele, sa bulela faa, mwa kauhanyo ya 12 ya Daniele. Ku lukile. Ha lu kaleleni fa makalelo, kauhanyo yabu 12:

Mi ka linako zeo kuka yema Mikaele nduna. . . (Mwabona? Oh, mwa ziba kuli yoo ki mañi!) . . . kuka. . . yema, nduna yomutuna ya yemela sicaba sa henu: linako zeo ikaba linako za ñalelwa, (Kisikamañi seo? Kasumulaho fela wa se. Nyandiso!) . . . ze ka eza kuli samba kuba ha ku si ka bonwa nako yecwalo mwa

macaba: mwa nako yeo mutu wa he uka piliswa, kaufela ya ka fumanwa a ñozwi mwa buka.

Mi buñata bwa ba balobezi mwa liluli la lifasi ba ka zuha, babañwi ba zuhele bupilo bwa kamita (kuwani ya bulena), mi babañwi bazuhele maswabi ni ku nyazisezwa ko kusafeli.

Mi baba butali ba ka benya inge liseli la lihalimu; mi baba sikululezi babañata kwa kuluka. . . ba ka benya sina linaleli kamita ni kuyakuile.

241 Oh, muzwale, ki yeo “Kuwani,” ya mina ya bulena ya Bupilo Bobusafeli! Kuwani ya bulena ya Bupilo Bobusafeli.

242 Timana ya 12, kapili cwale lu si ka . . . Mi Ni nahana kuli luya ku seo kasumulaho.

Ya tula Ni ka mueza musumo mwa tempele ya Mulimu wa ka, . . .

243 Cwale lu ka fita ku zona kapili kakuli Ni se ni fitelezi kale ka mizuzu iketalizoho fa nako yelukela. Kono mwakona ku yo lobala nyana kakusasana, nji hamukoni? Ima, mu mutuhele alobale. U ka zuha hande, kono bo Ndate ba liyehanga kuzuha. Kono mu mutuhele fela alobale nyana. Muzuhe kapili ka kukuza, mu yo mu futumaleza kofi ya hae, kamba kaufela za tabela, mi ukaba ni lisheha lelinde.

Ya tula Ni ka mueza musumo mwa tempele ya Mulimu wa ka, . . .

244 Oh, ha lu ingeni fela linzwi ka linzwi fa muzuzu nyana. Kikuli mu ka ni libelela hape, fa muzuzu nyana? Ni ziba kuli kwa cisa, mi mwa ziba kuli ku cisize ni fahalimu faa. Kono ha lu boneñi:

. . . Ni ka mueza . . . Ya tula Ni ka mueza musumo mwa tempele ya Mulimu wa ka, . . .

245 “Musumo.” *Musumo*, kamba “mutomo.” Mutomo mwa tempele ya Ndu, kamba mwa Ndu ya Mulimu. “*Tempele ya Mulimu wa ka*,” kamba, “ki ‘Ndu’ ya Mulimu wa ka.” Ki musumo, ki mutomo. Ba ki bona bene ba amuhezi Linzwi le ba utwile (mwa timana ya 8), ni kukuta kwa mutomo.

246 Cwale halungeni Maefese 2:19, mwani mwa keleke ya Maefese. Mwa ziba, muna ni kukutela kwa Efese, ani neli makalelo. Kana ku cwalo? Ku lukile, ha lu kuteleni kwa Efese kone kuna ni Paulusi, keleke ya na tomile. Mi luboneñi cwale fo luyemi. Ku lukile, keleke ya Efese. Ha lu kuteni mwa mulaho cwale mi lubone kuli ki mutomo o cwani kwa mulaho kwani, ni kubona sa na bulezi Paulusi ka za mutomo wa kwa mulaho mwa lusika lwa keleke yapili kafani. Cwale usweli kuambola kwa Maefese:

Mi cwale ha mu sali basili ni ba kwande, kono mu ba munzi ulimuñwi ni ba bakenile, mi mu ba ndu ya Mulimu;

Mi muyahilwe fa mutomo wa ba... (Lutheran, kamba wa—wa ba Baptist... Cwale, amulibelele, Ni lyanganisize foo, Ni bona cwalo nji cwani? Uh-oh.)

Kono muyahilwe fa mutomo wa baapositola ni bapolofita, Jesu Krete ili yena licwe lelituna la mwa lilulu;

²⁴⁷ Lika kaufela ne likeni ka Sikwalo, Jesu! “Mi ya tula Ni ka mueza musumo.” Ka manzwi amañwi, wa siemba sa mutomo. “Ki sikamañi se Ni ka mufa? Ni ka beya ku yena Tuto ya baapositola ni bapolofita yezwa kwa simuluho, ni ku mufa Sinulo.” Ki sikamañi sene ba bulezi bapolofita ka Yena? Ki yena Muezi, Mulena wa Kozo, Mulimu Yamata, Ndate wa kamita. Kona ze ne ba bulezi, bapolofita, ni baapositola. “Mi yena yakona kutula lika ze kaufela za sinagoge ya Satani, aipuluke ya lukuluhile ni kutalimela hande kwa Sikwalo, Ni ka mueza musumo, Ni ka mubeya fa mutomo wa Linzwi la Ka mwa Ndu ya Mulimu wa Ka.” Oh, mawi! “Ni ka mubeya mwa musumo wani, mwa mutomo mo mu ka ina hande mwa Linzwi.” Amen. Na lata cwalo, muzwale, Ki hande. Na kona kueza ka lisheha, Na... kono Ni ikutwa hande. Kulukile.

...ni ka mueza... Ya tula...ni ka mueza musumo mwa tempele ya Mulimu wa ka, mi ha sana kuzwela kwande:...

Seo ki sikamañi? Haiba ki musumo, haana kuzwela fande ni kamuta. Seli Munyaliwa! Yeo ki niti.

²⁴⁸ Sina lusika lwa Efese mo ne luinezi, sina Paulusi mwa na ba lutezi mwa Likezo... Cwale, amulibelele fa muzuzu. Haiba una ni kuba musumo... Ni na ni Liñolo leliñwi le ni ñozi faa le Ni bata ku mi bonisa lu si ka fita kale ku Munyaliwa. Cwale, haiba ukaba musumo, mukutela kwa Efese, mu kutela kwa lusika lwa nali ku lona Paulusi. Mi Paulusi, yena lingeloi la Efese, yeneli makalelo a keleke, ili mutomo, na ba lutile kuli, “Haiba ne ba kolobelizwe ka nzila isili kwanda Libizo la ‘Jesu Krete,’ nebana ni ku kolobezwa sinca.” Yeo ki niti, Likezo 9, kamba 5:19, kamba 19:5, nitaluse. Mwa Magalata 1:8, na ize, “Haiba lingeloi ne li ka kutaza nto isili, libe anatema.”

²⁴⁹ Nebali Munyaliwa hape yanali mwa tempele. Cwale ha luyeni mwa Sinulo kauhanyo yabu 7, lubone haiba nebali Munyaliwa, kauhanyo yabu 7 ya Sinulo.

²⁵⁰ Cwale, Na kona, Na—Na... Lwa bulela fa, baba siyezi ba Isilaele, ba handeleti ni fote-foo sauzande, ni babañwi cwalo, kono halu—halu tuleni fela hanyinyani ni ku shetumuka fafasi fa timana ya 12 yee. Lubulele kuli, ki mukopano wa pentekota woo! Se ki sicaba sene sili... oh, mwabona... Kihande, lu ka kalela fa

timana ya 9 fa kakuli yapili ki Isilaele, mi nekuna ni ba handeleti ni fote-foo sauzande bene ba swailwe, bao lu ka talimana ni bona kamuso.

Mi... Hakufelile zeo Na bona, ni talima, sicaba sesiñata, baba sina mutu yakona kubala palo yabona, . . .

251 Cwale, muhupule, kuzwa fa 4 kuya fa 8 ki Isilaele, bene bali manjululume, neli balibeleli ba tempele. Mwabona, lu ka fita ku zona kakusasana, haiba Mulena alata. Cwale, Wa swaya fani, masika a twelufu kaufela. Mwa lusika lwa Juda, A swaya twelufu; Rubeni, A swaya twelufu; ku Gadi, A swaya twelufu; ni Levi; ni Zabuloni; ni Benjamine, twelufu. Mi kuna ni masika amakai mwa Isilaele? [Kopano i alaba kuli, “Twelufu.”—Mu.] Kihande, kibukai twelufu ku alula ni twelufu? Handeleti ni fote-foo sauzande. Mi kaufela bona neli bana ba Isilaele; Joani na ba zibile, ufi ni ufi wa bona, nali Mujuda.

Hakufelile zeo . . . nabona, sicaba sesiñata, bao kusina mutu yakona kubala palo yabona, (Ki yo wa Macaba wa taha.) kuzwa mwa linaha kaufela, . . . mishobo, . . . malimi, bene ba yemi fapila Mulimu, mi . . . Ngunyana, ba apezi ze sweu, basweli linzalu mwa mazoho a bona;

252 Bani kona batu bene ba shwezi kafoo (mi litau za ba ca, ni lika zeñwi kaufela) bakeñisa Evangeli ya Moya o Kenile yene tundamena kulota mali. Likiti-kiti ni likiti-kiti za bana ni litoho za bona mwa ze lubilwe mwa mikwakwa, ni lika zeñwi kaufela, ne ba yemi kwani! Ba apezi ze sweu, ni linzalu mwa mazoho a bona. Oh, mawi!

Mi ba huwa ka linzwi lelituna, bali, Kupiliswa ki kwa Mulimu wa luna yainzi fa lubona, ni kwa Ngunyana.

. . . Kupiliswa ki kwa Mulimu wa luna ya inzi fa lubona, . . . kwa Ngunyana.

Mi mangeloi kaufela a na yemi kupotoloha lubona, ni babahulu ni libatana zene, . . . za wela fapila . . . za wela fapila lubona ka lipata za zona, mi ba lapela Mulimu,

253 Amuteezeze, haiba ha mu nahani kuli wo ki mukopano wa pentekota:

Bali—bali, Amen: Limbuyoti, . . . kanya, . . . butali, . . . buitumelo, . . . likute, . . . mata, . . . bulena, lifiwe ku Mulimu wa luna kamita ni mita. Amen.

254 Whew! Ku utwahala inge ne ba bile ni mukopano kwani, nji cwani? Uh-huh.

. . . alimuñwi wa ba bahulu a—a alaba, ani buza, . . . kamba, ani bulelela kuli, Ba ki bomañi baba apezi ze sweu? mi bazwa kai?

“Cwale, wena u Mujuda, wa ziba masika a twelufu kaufela. Cwale, ba ki bomañi? Ba zwelela kai? Bana ni likubo zesweu ze

ba apezi, ba zwa kai? Ha ki ba lusika lwa Benjamine ni babañwi. Ba ki bomañi kwanu?”

255 Mi Joani nali . . . ? . . .

. . . *Na mu bulelela kuli, Muñaka, ku ziba wena.* (“Si—si ni sweli! Na—Na . . .” Mwabona?). . . *Mi ki hali ku na, Ba ki bona baba zwile mwa manyando amatuna, mi ba tapisize liapalo za bona, mi ba li kenisize kuba ze sweu mwa mali a Ngunyana.*

Kakuli . . . *Kona ha ba yemi fapila lubona lwa Mulimu, (ki mwa Ndu) mi baka mu sebeleza musihali ni busihu mwa tempele: mi ya inzi fa lubona uka pila ni bona.*

(Ku bonahala kuli ne ba lapile fa nako nyana, nji cwani?) *Habasana kulapa ni kamuta, (Kanya!) kamba nihaiba kuba ni linyolwa hape; kamba nihaiba kubabulwa ki lizazi, ni kamuta, hakusana kuba mufutumala.*

Kakuli Ngunyana yali mwahala lubona uka ba fepa mi . . . a ba ise kwa maweluwelu a mezi: mi Mulimu uka takula . . . mioko yabona kaufela kwa meto a bona.

Ki Yoo ona foo; ki yoo fo Munyaliwa. Oh, mawi! Ha ki bunde ni boo! Ki Munyaliwa!

256 Ha lu boneñi sa Na bulezi fa cwale, kuli lusike lwa si latehisa cwale, fa 12:

Ya tula ni ka mueza musumo mwa tempele ya Mulimu wa ka, mi . . . hasana ku zwela kwande ni kamuta: . . .

Ki Munyaliwa ya yemi ni Munyali. Oh!

257 Oh, oh, kambe luna ni nako ya ku I nga kuli (ki mwa buka ye mwahali mo); mwani mwa Sinulo, ali, “Malena ba lifasi kaufela batisa likute la bona ku yena.” Foo kuswana sina . . . (mwa mufuta) ki lusika lwa Levi: kaufela baba siyezi ba bona ba fa za bulishumi ku yena, mwa bona; kuzwa kwa moonda wa kweli kuisa ku omuñwi, sabata iliñwi kuya ku yeñwi, ba yo kena mwa milapelo. Ha ki lizazi kwa kuipitela ni leo! Ku lukile. “Mi Ni ka . . .” Ha lu boneñi, “Habasana ku zwela kwande ni kamuta.” Ku lukile:

. . . musumo mwa tempele ya Mulimu wa ka, . . . mi Ni ka ñola libizo la Mulimu wa ka ku yena, . . .

258 Cwale, ki lifi Libizo la Mulimu? Jesu. Haiba mubata kuñola (Lu ya lu felelwa ki nako cwale.), “Jesu!” Maefese 3:15 iize, “Mwa Lihalimu ni lifasi, lika kaufela li biziswa ka Jesu,” mwa bona. Ku lukile. Ku lukile, cwale. Ku lukile:

. . . mi libizo la muleneñi wa Mulimu wa ka, ili Jerusalema yomunca, ye zwa kwa lihalimu lwa Mulimu wa ka: Ni ka mu beya . . . (Oh! Haiba mu bona, kaufela zona ki Libizo leliswana, mu lukela kuba baba lemuhile

kale zeo. Mwabona? Mwabona?)...Ni ka beya ku yena...libizo la muleneñi wa Mulimu wa ka,...

259 “Muleneñi.” U zwelapili kubulela kuli, “ili Jerusalema Yomunca.” Mwabona, ki Jerusalema Yomunca. “Ni ka mu beya mwa Jerusalema Yomunca.” Cwale, ki Munyaliwa, kamba Keleke, kona Jerusalema Yomunca. Ki ba bakai ba baziba cwalo? Keleke yona kasibili kona Jerusalema Yomunca. Mwa lumela cwalo?

260 Ha lu li tatubeñi fela. Sinulo 21, Na sepa ki yona, sani kona se Ni bata. Ku lukile, ha lu talimeñi kwa mulaho kwanu kuli lu mi bonise. Bibebe ibulezi kuli, “Mulike linto kamukana,” mwabona. Cwale, Sinulo 21. Oh, muteezeze ku se hande ku se...se... amuteezeze ku se, mu bata kubona Munzi o munca wo wa (Libizo la Mulimu) Hae kuli ki sikamañi.

Mi Na bona lihalimu lelinca ni lifasi lelinca: kakuli lihalimu lapilli ni...lifasi lapili neli felile; mi nekusina liwate ni lelikana.

Cwale Na Joani na bona munzi o kenile, ki Jerusalema yomunca, ha u shetumuka kuzwa ku Mulimu mwa lihalimu, u bakanyizwe sina munyaliwa ya kabiselizwe muuna hae.

261 Ki Keleke yenca—yenca ki Keleke ya Bamacaba, ki Munyaliwa. Munyaliwa ki wa Bamacaba, mi Bamacaba bana ni Libizo la Hae. U ngile sicaba kuzwa mwahala Bamacaba bakeñisa Libizo la Hae. Mwa lumela cwalo?

262 Haiba ha mu lumeli, amupaule mwa Likezo 15:14 mi mu iponele. Likezo 15:14, haiba mubata ku apula ku yona fa muzuzu fela, mi lu ka...kipeto muka...Likezo kauhanyo ya 15 ni timana ya 14, Na lumela lu ka ifumana. Cwale, lu fakaufi fela ni kukwala. Likezo 15, ni timana ya 14:

Hakufelile zeo ba kutumana, Jakobo a alaba, ali, Banahesu ni mizwale, amu ni teezeze:

Simoni u mi taluselize mwa kalezi pili Mulimu kutalima bahedeni Bamacaba, kuli mwahala bona aipatele sicaba se si sumekelwa libizo la hae.

Uh-huh. Ku lukile, ki Yoo musali foo. Oh!

263 Cwale Ni sepa kuli fo seli fakaufi fela ni mafelelezo a yona, mi cwale lu ka kwala ka kubulela kuli yo ki Yena.

...mi Ni ka ñola libizo la Mulimu wa ka ku yena, ni libizo la munzi wa Mulimu wa ka,...

Zeo kaufela za swana: Jesu, Jesu, Jesu. Mi Munyaliwa a nyalwa ku Jesu, si mu eza kuba Musala Jesu; ni zeñwi cwalo kaufela, mwabona.

264 Kuna ni basali babande baba mata mwa muyaho mo busihu cwana, ba batiile baba mata, kono kuna ni alimuñwi fela wa

bona yali waka, yana ni libizo laka. Ni sepa mwa utwisisa seo. Una ni libizo la ka, ki mwa ka bela ni Munyaliwa wa *Hae*. Ku lukile:

. . . Ni ka ñola libizo ku yena libizo la Mulimu wa ka, . . . ili Jerusalema yomunca, ya zwa kwa lihalimu. . . kamba, munzi wa Mulimu wa ka, ili Jerusalema yomunca, yezwa kwa lihalimu ku Mulimu. . . kwa lihalimu la Mulimu wa ka: mi Ni ka ñola ku yena libizo la ka lelinca.

265 Kihande Ni siye taba yeo kihona, nji ha Ni si ka isiya? Ku lukile. Mulemuhe, “yena” yo ki alimuñwi. Cwale ha mu ka kutela kwa Sinulo 2:17 fa muzuzu fela, kukutela fateni fela hape ka muzuzu:

Ya na ni lizebe, a utwe seo Moya u si bulelela likeleke; Ya tula Ni ka mufa kuca kwa manna ye patilwe, mi ni ka mufa licwe le lisweu, mi mwa licwe kuñozwi libizo lelinca, le li sa zibwi ki mutu konji ya li amuhezi.

266 Kana ha mu Mu lati? Ha Ki yomunde nji?

Na Mu lata, Na Mu lata
Kakuli U ni latile
Ni kuleka puluso yaka
Fa kota ya Kalvari.

267 Mwa ziba, Na lata ku opelela mwa Moya kasamulaho wa mukopano ko mu na ni ku pumaka ni lika kaufela. Mina bo? Oh, mo Ni latela ku kena mwa Moya ka nako yeo. Ki Linzwi! Mwabona, Manzwi a wile cwale, cwale nto yateni fela ki mukamo fela. Mwabona, milumbeko nyana, kipeto Ikala kuhula, mwa bona. Oh, kana ha mu Mu lati mina? Ha lu nanuleñi mazoho a luna ni kuopela kuli:


Na Mu lata, Na Mu lata
Kakuli U ni latile
Ni kuleka puluso yaka
Fa kota ya Kalvari.

268 Oh, ha lu inamiseñi fela lito ho za luna ni kubulela kuli: “Ndate, lwa Ku lata. Lwa Ku lata. Oh, mo lu Ku latela! Lwa itumela fela ku Wena, hahulu luli, Mulena. Oh, lipilu zaluna—zaluna ze nyinyani halikoni kutatulula se luikutwa mwahali ku luna, ka Mo u lu tapiselize mwa Mali a Hao Tota. Ne luli bayambaeli, Mulena. Ne—ne lu lata lika za lifasi, mi kaufela—kaufela luna lwa tala masila a lika za lifasi, mi Wa taha ka sishemo sa Hao ni ku lu swala ka mazoho amande a Hao a kenile mwa sileze sa sibi mo ne luinzi, wa lu nopa, wa lu keta, wa lu tapisa, wa lu kenisa, wa beya Moya o munca ku luna, mi wa toma litakazo za luna fa lika za kwa halimu. Mo lu Ku latela, Mulena!”

²⁶⁹ Mwa lusika lo lu pumilwe loo, kuli hakuna sika mwa lifasi se lu siyezwi, Mulena. Hakusana se si siyezi sa lifasi, ki—ki—ki kwa maungulo a nako. Lu bona ka Bibele, lusika kaufela kuli lu icongile. Lu kwa maungulo cwale, luya ka kuakufa. Hakuna kunga nako kufitela Jesu ataha. O Mulimu, beya mulilo mwa lipilu za luna, usike wa lu tuhelela kuyema fela kulo kulikuñwi. Ni nahana kuli, ki sikamañi sa na ka eza Muhalalehi Paulusi yomotuna ha na kaba fa busihu cwana ni kubona lika mo li ezahalela? Kuli mane a . . . Muuna yani, ne baka mubeya mwa tolongo li si ka pazula kale, na kaba kwande kwani inza bulelela batu kuli baitukiseze kutaha kwa Mulena.

²⁷⁰ Mwa hola ye, Mulena, kuna ni bakuli babañata kakuli ki ze litaulo fa ni likupo ze beilwe faa. Ni lapela kuli U folise mañi ni mañi wa bona, Ndate. Lu ziba kuli seo ki siemba sa bulumiwa bwa Hao kuli U paka kusina kupalelwa kuli kona Niti, “lisupo inge li latelela mulumeli.” Kuzwa fa mubili wa Paulusi ne ba nga masila ni ku alumeleza bakuli; mi mioya ye masila ne izwa ku bona, mi ba foliswa bakeñisa kuli sicaba ne si lumela ku Mulimu yapila. Lumeleza cwalo busihu boo, Ndate, ha Ni nze ni ba beya ku Wena, ka Jesu Krete.

²⁷¹ Mi cwale, Mulena, Ni lapela kuli U swale mioyo ya luna mwa lizoho la Hao, lu tapise, lu haine, kakuli Kuizwe kuli U “tahela Keleke yesina litiba kamba nyazo.” Lumeleza kuli simbi yecisa ya Moya o Kenile i haine fela kwateni mankwinya kaufela kuzwa ku luna, mi lu libelezi ni kuitukiseza kutaha kwa Mwana mutu.

²⁷² Cwale, Ndate, lu lapela kuli limbuyoti za Hao li ine ku luna. Lapela ni luna, Ndate. Lwa Ku kubamela. Lu yemi busihu bo ni ku Kufa lipilu za luna. Lwa . . . [Hakuna manzwi fa tepu—Mu.] 

LUSIKA LWA KELEKE YA FILADELFIA LOZ60-1210

(The Philadelphian Church Age)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham ne li kotalizwe lwa pili mwa Sikuwa la Pelekelo manzibwana, Ñulule 10, 1960, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekiswi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org